



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

Anno Quarto.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XXVI. Sept. MDCLXXIX. Pontificatus nostri Anno Tertio.

LXIX.

Confirmatur Protestatio Fratrum Minorum de Observantia circa Regulæ executionem, & nonnullæ declarationes, ac Ordinationes motu proprio adduntur.

Dat. 10. Nov.
1679. An. 4.

INNOCENTIUS PAPA XI.

Ad perpetuam rei memoriam.

Exordium.

Solicitude pastoralis officii quo Catholica Ecclesiæ per universum Orbem diffusæ regi-
mini divina dispositione præsidemus, nos urget, atque impellit, ut Religiosorum Virorum Ordines ad Omnipotentis Dei Gloriam, & Animarum salutem sapienti pietate ab hac S. Sede institutos, magnique in Ecclesiæ Dei meritis fulgentes, in sanctis, ac primævis eorum Institutis confovere, & conservare, ac a noxiis, quæ primigeniæ religiositatis Spiritum, atque rigorem extinguere, & relaxare possent, tueri, & præmunire, felicibusque illorum in via Mandatorum Dñi progressibus consulere, quantum nobis ex alto conceditur, studeamus.

Dicta protestatio pluries emissæ est in Capitulis Generalibus, & ultimo in Vallisoletano.

§. 1. Cum itaque (sicut accepimus) in pluribus Capitulis generalibus Ordinis Fratrum Minorum S. Francisci de Observantia nuncupatorum, & novissime in Vallisoletano, quod anno 1670. celebratum fuit, unanimi omnium Fratrum vocalium consensu declaratum, & protestatum fuerit, in nullo Regulæ eorumdem Fratrum Minorum præcepto eatenus cum Fratribus Minoribus de corpore observantiæ, sive Observantes, sive Reformati, sive Discalceati, sive Recollecti dicantur, dispensatum fuisse, nec ipsum observantiæ corpus ullam unquam admisisse, vel admittere dispensationem in Regula, sed potius velle pro viribus, Domini favente auxilio, illam pure observare juxta Summorum Pontificum declarationes a Fratribus Observantibus, seu de Observantia in suis statutis generalibus, recapitulatis pro cismontanis anno 1663., & pro ultramontanis anno 1621. ac a Reformatis, Discalceatis, & Recollectis in suis particularibus Constitutionibus respective admissas, & receptas.

Confirmatio hujus Protestationis.

§. 2. Nos pro majori hujus protestationis firmitate, & ut in Ordine præfato status, & Regula Fratrum Minorum pure observetur, singulisque Fratribus prætextus eam transgrediendi præcludatur, eandem protestationem, & declarationem supra expressam harum serie auctoritate Apostolica approbantes, & confirmantes, Motu proprio, ac ex certa scientia, & matura deliberatione nostris, deque Apostolicæ potestatis plenitudine tenore præsentium declaramus, omnes, & singulos Fratres de Corpore Observantiæ dicti Ordinis teneri in conscientia observare Regulam Fratrum Minorum S. Francisci, & præcepta a fel. rec. Nicolao III., & Clemente V. Romanis Pontificibus prædecessoribus nostris exposita, & numerata, ad normam Constitutionum prædictarum respective, & signanter præter præcepta, quæ non ita frequenter occurrunt, & recitationem Divini Officii, teneri ad jejunia præcepta in Regula, nisi excuset necessitas; ad incedendum sine Calceamentis, hoc est absque aliquo, quod pedem cooperiat, cujuscumque illud materiæ sit, nisi adsit vera necessitas à Præfato approbanda; ad non equitandum, nisi infirmitas, vel necessitas judicio Superiorum probata excuset; ad vilitatem vestium juxta præ-

Declaratur, singulos teneri in conscientia ad observantiam Regulæ, & præceptorum quorum nonnulla hic referuntur.

dictas Constitutiones respective; ad non utendum pluribus vestimentis, quam illis, quæ Regula præferibit, nempe una Tunica cum caputio, & alia sine caputio, chorda, & femoralibus; nam aliud quodvis vestimenti genus ultra prædicta (excepto Mantello ab initio Religionis licito) ut indusia, seu camisia, sudariola, tunicellæ, & similia sunt contra Regulam, nisi adsit vera necessitas excusans a præcepto per Prælatum approbata; ac demum teneri ad capitale præceptum Religionis Fratrum Minorum de non recipiendis denariis per se, vel per interpositam Personam. Aliarum enim rerum necessarium possunt Fratres Minores de corpore observantiæ hujusmodi habere usum, licet non dominium, denariorum autem nec dominium, nec usum: & proinde quævis contractatio pecuniæ, seu denariorum, quæ non sit pure naturalis, seu quæ sit quovis modo politica, cujuscumque Domini sit denarii, seu pecuniæ, Fratribus Minoribus Observantibus, seu de Observantia est omnino prohibita. Ac propterea omnes, & singulas dispensationes, concessionibus, & consuetudines, si quæ contra præmissa in corpore observantiæ Ordinis prædicti reperiantur, motu, scientia, deliberatione, & potestatis plenitudine paribus earumdem tenore præsentium revocamus, cassamus, irritamus, & annullamus, viribusque, & effectu penitus, & omnino revocamus, ac revocatas, cassatas, irritas, & nullas, viribusque, & effectu penitus, & omnino vacuas esse, & perpetuo fore decernimus, & declaramus. Declarantes tamen pariter, quod per præmissa non prohibetur in dicto Ordine Syndici Apostolici, cum eorum usus non sit dispensatio in Regula, sed modus a Romanis Pontificibus prædecessoribus nostris provisos pro puriori illius observatione, sive ejusmodi Syndici assumantur ad præscriptum Constitutionum Nicolai III., & Clementis V. Prædecessorum præfatorum, sive secundum dispositionem Constitutionum rec. me. Martini IV. & Martini V., ac Pauli IV. prædecessorum pariter nostrorum, prout illorum usus in singulis Familiis, Congregationibus, Reformationibus, aut Provinciis Ordinis prædicti respective fuerit receptus.

Dispensationes, & consuetudines in contrarium tolluntur.

Ufus tamen Syndici Apostolici non censetur Regulæ contrarius.

§. 3. Ut autem in ingressu Religionis unusquisque de obligationibus, quas assumere vult, plene informetur, statuimus, ut nullus recipiatur ad habitum regularem in eodem ordine, nisi prius plene informatus sit de prædictis præceptis Regulæ obligantibus in conscientia, & prævia hac notitia, velit probationem subire, nec quicquam admittatur ad professionem regularem, nisi prius examinatus sit de intellectu Regulæ, & præceptorum ejus juxta prædicta, & deinde immediate ante illam coram tota Communitate fiat ei protestatio, quod ad observantiam Regulæ cum omnibus ejus præceptis, tunc enumerandis, & exprimendis, obligetur in professione, eamque protestationem admittat, & sub ea professionem faciat.

Observanda in receptione ad habitum, & professionem.

§. 4. Quia vero efficacius prædicta observandi medium est exemplum Prælatorum, sive Superiorum, ideo statuimus pariter, neminem eligi posse in Prælatum, sive Superiorem in ordine prædicto, qui vitam Communionem observantiæ non sequatur, hoc est, qui frequenter equitet, seu infirmitatem, qua ab obligatione pedibus incedendi excusetur, habeat, qui Indusiis, seu Camisiis, aut lineis utatur apud se, vel in lecto, qui calceatus incedat, qui Jejunia Ecclesiæ, & Regulæ non observet, qui aliquando visus sit contrahere pecunias, nisi jam per triennium saltem emendatus sit, qui notabiliter defectuosus sit in assilendo Communitati Chori, Refectorii, & aliis, prout sibi in Constitutionibus præscribitur. Porro electio illius, qui in omnibus præmissis vitam communem non sequatur, irritanda ut a

Qui eligi nequeant in Superiores.

Electio aliter facta quomodo reprobanda.

Prælato,

Prælato, five Superiore Generali, capta Informatione extrajudiciali pro sua conscientia sine strepitu Judicii, cum Consilio tamen, & assensu trium Fratrum, qui Ministri Provinciales, vel saltem Definidores Provinciarum sint, vel fuerint; ipsorum autem conscientias, ne aut ille expellatur, qui vitam communem sequatur, aut ille confirmetur, qui eam non observet, oneramus.

§. 5. Demum, ut omnis occasio transgrediendi præceptum de non contrectandis denariis, seu pecuniis auferatur, omnibus, & singulis dicti Ordinis Prælati, five Superioribus in virtute sanctæ obedientiæ, ac sub pœna privationis suorum officiorum injungimus, ut nullo Religioso ejusdem Ordinis permittant administrationem Fundorum, reddituum, aut quarumcumque aliarum rerum, & Bonorum Mobilium, vel immobilium cujuscumque Domini illa sint, & signanter ut nulli Religiosorum Ordinis hujusmodi permittatur administratio bonorum temporalium alicujus Monasterii Monialium sub quovis prætextu, aut nomine, nempe Administratoris, Syndici, Factoris, Coloni, Superintendentis, Villici, aut alio quovis imaginabili.

§. 6. Decernentes easdem præsentis literas, & in eis contenta quæcumque, etiam eo, quod Superiores, & Fratres Ordinis prædicti, alique quilibet cujuscumque status, gradus, Ordinis, præminentie, vel dignitatis existant, seu alias specifica, & individua mentione, & expressione digni in præmissis interesse habentes, seu habere quomodolibet prætendentes, illis non consenserint, seu ad ea vocati, citati, & auditi, causasque, propter quas ipsæ præsentis emanarint, sufficienter adductæ, verificatæ, & justificatæ non fuerint, aut ex alia qualibet, etiam quantumvis veridica, legitima, & privilegiata causa, colore, prætextu, vel capite, etiam in corpore Juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium, consensus, aliove quolibet, etiam quantumvis magno, & substantiali, & incogitato, & inexcogitabili, individuumque expressionem requirente defectu notari, impugnari, infringi, retractari, modificari, redargui, in controversiam vocari, aut ad terminos juris, seu statutorum, & Constitutionum dicti Ordinis reduci, seu adversus illas apertionis oris, restitutionis in integrum, aliudve quodcumque Juris, Facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare ullo modo posse, sed easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit in omnibus, & per omnia inviolabiliter, & inconcussè observari, & adimpleri.

§. 7. Sicque, & non aliter in præmissis cense-ri, atque ita per quoscumque Judices Ordinarios, & delegatos, etiam Causarum Palatii Apostolici Auditores, ac S. R. E. Cardinales, etiam de latere Legatos, & Apostolicæ Sedis Nuntios, aliove quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 8. Non obstantibus præmissis, ac quatenus opus sit nostra, & Cancellariæ Apostolicæ Regula de Jure quæsito non tollendo, aliisque Apostolicis, ac in Universalibus, Provincialibusque, & Synodalibus Conciliis editis genera-

libus vel specialibus Constitutionibus, & ordinationibus, necnon dicti Ordinis, ejusque Congregationum, Reformationum, Provinciarum, & Conventuum quorumcumque, aliisque quibuscumque etiam Juramento, confirmatione Apostolica, vel quavis firmitate alia roboratis statutis, usibus, styliis, & consuetudinibus, etiam immemorabilibus; Privilegiis quoque Indultis, & literis Apostolicis eidem Ordini, ejusque Superioribus, Fratribus, & Personis quibuscumque sub quibuscumque verborum tenoribus, & formis, ac cum quibuscumque etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, aliisque Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, ac quantiscumque vicibus confirmatis, approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus, specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum tenores, hujusmodi formas, causas, & occasiones præsentibus pro plene, & sufficienter expressis, exactissime servatis, & specificatis respective habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, & derogatum esse volumus, ceterisque contrariis quibuscumque.

§. 9. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XX. Novem. MDCLXXIX. Pontificatus nostri Anno Quarto.

Confirmantur quædam Statuta Fratrum Minorum de Observantia a S. Sede prius ad examen revocata.

INNOCENTIUS PAPA XI.

Ad perpetuam rei memoriam.

Militantis Ecclesiæ regimini per abundantiam Divinæ bonitatis, nullo licet meritum nostrorum suffragio præpositi, illa, quæ pro felici prosperoque Religiosorum Ordinum in Ecclesia Dei pie sancteque institutorum, ac uberes bonorum operum fructus, adspirante superni favoris auxilio proferre jugiter satagentium gubernio, & progressu provide sapienterque constituta, & ordinata esse noscuntur, ut firma semper, atque inviolata persistant, Apostolici muniminis præsidio libenter constabili-

mus.

§. 1. Exponi siquidem Nobis nuper fecit dilectus filius Josephus Ximenes de Samaniego Minister Generalis Ordinis Fratrum Minorum S. Francisci de Observantia nuncupatorum, quod pro felici dicti Ordinis, ejusque Fratrum regimine, & directione nonnulla statuta in Capitulo Generali ipsius Ordinis, quod novissime videlicet anno 1676. in hac Alma Urbe celebratum est, edita fuerunt, quæ cum Nobis pro parte ipsius Josephi Ministri Generalis exhibita fuissent, nos illa Ven. Fratri nostro Alderano Episcopo Prænestino S. R. E. Carolo Cybo nuncupato, Or-

Prohibetur administratio bonorum, & reddituum cujuscumque sub certis pœnis.

Clausula.

LXX.

Dat. 22. Nov.
1679. An. 4.

Exordium.

Hujusmodi Statuta emanant a Capitulo Generali, & a Cardine. Protectore, aliisque ad meliorem formam redacta fuere, ut infra.

dinis

dinis præfati apud Nos, & Sedem Apostolicam Protectori, ac nonnullis Romanæ Curie Prælati revidenda, & ubi opus foret corrigenda, & suppleenda commissimus. Illi vero mandatis nostris parentes, eadem Statuta mature, ac diligenter discusserunt, multisque correctis, emendatis, aptatis, suppletis, & additis ac nonnullis omis illa redigerunt in formam tenoris, qui sequitur videlicet *Statuta pro utraque Familia.*

§. 2. Ad evitandas graves, & inutiles expensas, aliaque incommoda, quæ ex celebratione Congregationum Generalium intermediarum omnium vocalium unius Familie sequuntur, decernitur præfatas Congregationes Generales ulterius celebrandas non esse. Cum autem juxta Bullam Leonis X., quæ dicitur *unionis*, officium Commissarii Generalis Familie, de qua Minister Generalis assumptus non est per triennium tantum durare debeat, statuitur, quod in fine triennii convocatis per Ministrum, aut Vicarium Generalem totius Ordinis, Patribus Diffinitorii Generalis illius Familie, ex qua Commissarius Generalis eligendus est per ipsum Ministrum, seu Vicarium, aut ipso legitime impedito per suum Commissarium ad hoc specialiter delegatum, & per Patres, qui sunt de corpore Diffinitorii Generalis prædictæ Familie in Vigilia Pentecostes, per Schedulas secretas, nullo proponente, fiat electio novi Commissarii Generalis, usque ad Capitulum Generale duraturi; Diffinitores vero Capituli præteriti præfate Familie per sexennium usque ad Capitulum Generale immediate sequens durabunt: sicut Diffinitores Generales Familie, ex qua assumptus est Minister Generalis durant. In Congregatione autem præfata modo celebranda, lites per sententias dirimi, declarationes dubiarum Constitutionum fieri, & decreta per triennium subsequens duratura edi valeant; leges autem, seu Statuta, aut Constitutiones in perpetuum duraturæ condi non poterunt, nec antiquæ abrogari.

Et ut etiam in Capitulis Generalibus, inutiles expensæ, & alia incommoda, quæ ex nimia Fratrum accedentium multitudine oriri solent quantum fieri potest, vitentur, omnino prohibetur sub nullitatis pœna, vota, seu suffragia Provinciarum Titularium, quæ actu non subsistunt suppleri, aut substitui, per Ministrum, aut Vicarium Generalem Ordinis, revocata quacunque consuetudine in contrarium, statuitur, duos Secretarios Generales Ordinis, qui Ministro, aut Vicario Generali pro una, & altera Familia assistere debent, ex vi officii habere imposterum suffragium in Capitulo Generali tantum, sublato omnino tertio Secretario linguarum.

Item præcipitur sub pœna privationis suffragii, quod Minister, seu Prominister, & Custos uniuscujusque Provincie simul ad Capitulum Generale iter faciant cum unico tantum Socio Religioso pro utroque, & si expensæ aliquæ in itinere ex necessitate faciendæ sint, adducant secum Tertiarium, qui Syndici Apostolici substitutus sit, & ipsius nomine expensas prædictas inevitabiles faciat.

Insuper serio Prælato Generali commendatur, ut Præsidentiam Thesium, & Conciones, quæ in Capitulis Generalibus habendæ sunt, vocalibus quantum cum honore Religionis stare possit, distribuant.

Ut maxima incommoda, & turbationes Religionis, quæ ex promotione Ministrorum Generalium ad dignitates Ecclesiasticas extra Ordinem lamentabili experimento comprobata sunt, omnino evitentur, decernitur, ut statim, ac Minister Generalis electus sit, & antequam suum officium ullo modo exerceat, teneatur emittere in manibus Præsidis coram toto Capitulo Generali votum de non ambienda, procuranda, nec acceptanda dignitate Episcopali, Ar-

chiepiscopali, vel Patriarchali toto tempore sui Ministeriatus, nec ante emissum prædictum votum, censeatur in officio confirmatus. Quod si aliquando contingat in prædicto voto dispensari, vel aliter quomodolibet fieri, statuitur illum Ministrum Generalem acceptantem aliquam ex prædictis dignitatibus, vel præsentationem, seu nominationem ad illam, statim ac eam acceptasse constiterit, non esse amplius pro Religionis Prælato agnoscendum: Religiososque Ordinis ab illius obedientia exemptos esse, nec posse ulterius ipsi sub pœna excommunicationis obedire. Porro in illo casu Pater ille qui servata Statutorum serie, & Familiarum concordato dignior respective reperietur, Generali illo excluso, convocabit, juxta præscriptum in Constitutionibus, Electores pro nova Vicarii Generalis electione, in qua idem Minister Generalis, nec votum habere poterit, nec ullam aliam actionem, revocata quacunque Constitutione Ordinis in contrarium, & sublata omnino electoribus facultate aliter operandi, aut permittendi sub pœna nullitatis facti: Idemque Statutum de Vicario Generali totius Ordinis factum intelligatur.

Nemini deinceps Vicariorum, aut Commissariorum delegatorum a Rmo Ministro Generali ad regendam Familiam, vel Nationem, liceat sub pœna privationis suæ delegationis, sibi usurpare, vel acceptare titulum *Reverendissimi*: Quod Statutum sub eadem respective pœna extenditur ad Commissarios Generales in Partibus Indiarum Occidentis, & Orientis, ac ad Guardianum Hierosolymitanum, seu Custodem Terræ Sanctæ, revocata, quoad hunc Constitutione in proximo Capitulo Generali Vallisoleitano edita.

Declaratur ad Procuratorem Generalem Ordinis spectare instantias, quæ fieri solent in Cappella Sæ Sanctitatis pro actu Beatificationis, vel Canonizationis Servorum Dei ex nostra Religione cujuscumque ipsi Servi Dei Familie extiterint. Deinde præcipitur omnibus Procuratoribus particularibus Causarum Beatificationis, vel Canonizationis, ut nihil in ipsis agere præsumant, inconsulto Procuratore, vel Commissario Curie respective, quod intelligendum est etiam de Reformatis quoad suum Procuratorem Generalem.

In Studiis Generalibus Cismontanæ Familie, & in gravioribus Ultramontanæ habentibus tres Theologiæ Lectores, semper sit unus Lector, qui Sacram Theologiam dogmaticam legat, ille scilicet, qui antiquior est in lectione, gaudeatque omnibus Privilegiis in ordine ad jubilationem, si constiterit eum prædictam facultatem dogmaticam continuo legisse, sicut alii speculativam, alias nullo Privilegio gaudeat, quod etiam apud Reformatos observandam est.

Pro Familia Ultramontana.

Ut in Conventibus ex introductione, vel concessione suffragiorum pro Capitulis Provincialibus præter antiqua Ordinis Statuta emergentibus occurratur; Auctoritate Apostolica abrogantur Vota, seu suffragia pro Capitulis Provincialibus respective Agentium Ministri Generalis, Commissariorum Curiarum particularium, Commissariorum Terræ Sanctæ, Visitatorum Tertii Ordinis Sæcularium, Magistrorum Novitiorum, & Confessoriorum, seu Vicariorum Monialium; ne illa in suis respective Provinciis in posterum ferre possint, exceptis solum Confessoriiis Monialium, qui sex ad minus Fratres sub se habeat, quibus ut Superiores præsent, & Commissarii Curiarum, ubi Reges, vel Principes absoluti Aulam suam tenent; In quarum singulis unus tantum Commissarius cum suffragio esse possit, a Superiore Generali ex Provincia illius Domini, quam maluerit, eligendus.

Nec

De Congregationibus intermediis.

De Suffragiis.

De Sociis.

De Thesibus, & Concionibus.

De promotione ad dignitates Ecclesiasticas.

De titulo Reverendissimi.

De Instantiis in causis Servorum Dei.

De Lectoribus.

De Votis, seu Suffragiis.

De Proceffionibus.

Nec in posterum Provincia possint suffragia pro suis Capitalis concedere.

Statuitur, quod in quacumque Civitate, vel Oppido Hispaniæ consistant Conventus Observantium, & Discalceatorum, quorum Communitates Processionibus generalibus interesse contingat, ambæ Communitates sub una, eademque Cruce intermixtæ incedant; itaut semper Observantium Guardianus, sive Præses, primum, seu digniorem locum teneat, & immediate Guardianus, seu Præses Discalceatorum subsequatur; alii vero Fratres juxta antiquitatem habitus, vel gradum qualitatis, permixtim incedant, præcedente semper in eodem gradu Observante: atque ita ab omnibus, ad quos spectat observari præcipitur juxta antiquam, & laudabilem Ordinis Nostri consuetudinem: sub pœna privationis Officiorum Guardianis, aut Superioribus prædictam dispositionem innovare, vel alterare præsumptibus.

De ascriptionibus.

Ad evitanda gravia præjudicia, & detrimenta, quæ Provinciis Indiarum, earumque Religiosis ex incorporationibus a Commissariis illarum partium pro libito factis, provenire solent; statuitur, ne in posterum Commissarii Generales prædicti Indiarum Occidentium possint sub quovis prætextu, suos Secretarios, Socios, aut alios Religiosos, quos in suo Comitatu assumpserint, incorporare in aliqua Provincia suæ Commissionis, irritum declarando, si quid in contrarium attentetur, aut fiat.

De Monialibus.

Omnino interdicitur Ministris Provincialibus se ingerere in imminuendis Monialium Dotibus, aut alimentis Sæcularium educationis causa, vel alia, in Monasteriis commorantium. Hinc Provincialibus ipsis sub pœna suspensionis sui officii per semestre, Abbatissis vero, & Discretis Monasterii sub privationis suorum Officiorum pœna præcipitur, ne prædictas Dotes, aut alimenta taxata minuant, aut minui permittant. Eisdemque tum Provincialibus, tum Monialibus sub eadem pœna præcipitur, ne ullam pro Moniali indotatam recipiant sub quovis prætextu aut titulo, nisi Causa in Sacra Congregatione deducta, ab eaque licentia obtenta.

De Coenobitis Recollectionibus.

Pro Familia Cismontana.

Pro meliori Novitiorum, & recenter professorum educatione, & ut Fratres illi, qui majori Spiritus quieti, & strictiori Regulæ nostræ observantiæ incumbere desiderant id præstare possint in propriis Provinciis, absque eo, quod hujus studii prætextu, aut ad alias transire, aut novas reformationes, & scissuras in ordinem invehere moliantur, statuitur, quod in singulis hujus Familiae Provinciis de Observantia instituuntur tres aut quatuor Conventus Recollectionis, qui sint primi, & secundi Novitiatu, ut simul, & loca spiritalis quietis, & perfectionis Seminaria pro tota Provincia esse valeant.

De eorum erectione.

Ad hunc finem eligi, & deputari debent Conventus commodiores pro Regulæ observantia, & Novitiorum educatione, quorum consignatio committitur Commissario Generali Familiae cum consilio Dissinctorii cujuscumque Provinciæ respective. Cui Generali Commissario etiam committitur prima Guardianorum, & Magistrorum Novitiorum eorumdem Conventuum institutio, cum facultate, ut si in Provincia aliqua non fuerint Religiosi pro his Officiis in nova recollectionis erectione idonei, ex aliis Provinciis, vel Observantibus, vel Reformatis, immo, & ex alia Familia possint eos adducere. Et insuper eidem committitur prima in eisdem Conventibus eorum Fratrum collocatio, qui ad formationem prædictæ Recollectionis fuerint necessarij.

De eorum numero.

Et ut incommoda ex multiplicatione horum Conventuum alias experta evitentur, omnino interdicitur, ne in qualibet Provincia plures quam quatuor, paucioresque, quam tres Recollectionis Conventus esse possint, sublata facultate culibet

Superiori Ordinis super hoc statuto dispensandi; & ut nunquam separari a Provincia possint, decernitur, ut in nullo Conventu Provincia, qui hujusmodi recollectionis non fuerit, possint induci Novitii, nec probationis annum agere. Atque ita Provincie inseparabiliter sint incorporati, ut sine ipsis, utpote Domus receptionis, Provincia ipsa subsistere non possit.

De eorum conditione.

Conventus autem prædicti distribuuntur sic, ut in Provinciis magnis, duo illorum sint primi Novitiatu; duo vero Professorii, seu Novitiatu secundi; in minoribus autem aut unus erit primi Novitiatu, & duo secundi, aut e converso pro commoditate Conventuum, aut Provincie. Et quia in nullo prædictorum Conventuum studium facultatis literariæ collocandum est, aut permitendum, statuitur, quod Professores antequam ad professoria, in quibus sunt artium liberalium studia transmittantur; in Conventu Recollectionis secundi Novitiatu ad minus per annum integrum collocentur, ut in spiritu in Novitiatu concepto, antequam ad studia transcant confirmetur, & roboventur.

Forma autem vivendi in prædictis Recollectionis Conventibus, sequens erit.

De Oratione.

Primo. Officium Divinum statutis indispensabiliter horis, graviter, & devote persolvatur, & Orationi Mentali duabus horis cum dimidia omnino vacetur, itaut post Matutinum (quod indispensabiliter media nocte persolvendum est) una hora post primam dimidia, post Completorium hora altera in Oratione mentali persistant. Sed a Resurrectione, usque ad Exaltationem Sanctæ Crucis propter noctium brevitatem, hora post Matutinum Orationis, in horam ejusdem post sextam, & ante prandium habendam commutetur.

De Silentio.

Secundo. Silentium, ac lectio spiritalis in Refectorio nulla Causa dispensetur; in Dormitoriis autem, claustris, & Sacristia ita silentium observetur, ut tantum omnino necessaria, & submissa voce Fratres loquantur.

De Sæcularibus.

Tertio. Sæculares, nisi Officiales Conventus sint, ad interiora Conventus non admittantur, sed pro rebus necessariis cum ipsis tractandis in Claustro inferiori, Camera aliqua, honeste disponatur, in qua prædicta præstari possint.

De Congregationibus.

Quarto. Communitates Chori, & Refectorii omnes Fratres sequantur, nec ullus ab aliqua, sine expressa Guardiani licentia excusetur.

Ad prælectiones.

Quinto. Tribus diebus in hebdomada, nempe feria secunda, quarta, & Sabbato post Vesperas immediate assistentibus Prælo, & omnibus Fratribus, lectio expositionis Regulæ, aut Theologiæ Mysticæ habeatur, itaut duobus ex prædictis diebus exponatur Regula, altero vero de Theologia Mystica, seu de vita spiritali tractetur: ad hoc instituatur unus Lector, qui sit in Theologia morali, & Mystica versatus; cui ut tempus pro lectionibus conficiendis habeat, conceditur, ut a prima, & oratione post ipsam excusetur. Qui post expletam expositionem Regulæ poterit Decalogum clare, & breviter pro instructione Juvenum explicare.

De Capitulo culparum.

Sexto. Guardianus ad minus semel in Mense feria sexta post Completorium celebrabit Capitulum culparum, eo modo, quo in Constitutionibus generalibus præscribitur, habita ad Fratres spiritali collatione, in qua ad perfectionem, & spirituales profectum excitentur, & animentur.

De paupertate.

Septimo. Paupertas nostri status quantum fieri potest strictè in communi observetur. Et ut ita etiam fiat in particulari, Guardiani de omnibus necessariis ad usum strictum Seraphicæ paupertati congruum, Fratribus provideant; itaut recursus particularium ad Benefactores, aut amicos spirituales via omnino præcludatur. Nullusque quidquam ad usum suum habeat sine expressa licentia Guardiani, qui usum rei, & su-

pelle-

De Guardianis.

peccetilis non necessaria, nulli concedat, aut permittat, quod ut exactius observetur, nullus quidquam ad proprium usum clausum habeat, & ad cuiuscumque Cellam semper aditus Superiori pateat, & tam Novitiis, quam cæteris Religiosis usus duarum Tunicarum Talarium, quarum una erit cum Capuccio, & alia sine Capuccio, juxta Regulæ præscriptum concedat, nec cuiquam permittatur, ut Sudaria, Sachetos, aut alia quævis non concessa in Regula sub prætextu portationis solius habitus deferat.

De Religiosis

Octavo. Postquam prædicta Recollectio per triennium firmata fuerit, nullus possit institui Guardianus in prædictis Conventibus, qui in aliquo illorum per biennium immediate, vitam communem recollectionis sequens, commoratus non fuit.

Nono. Nullus Religiosus cuiuscumque qualitatis sit in Conventu Recollectionis de Familia collocari possit, aut in eo commorari, qui Regula præcepta observare non possit: nempe jejunia, exalceationem, duarum tantum tunicarum usum, Prædicationem Chori die noctueque, cæterarumque communitatum sequelam. Cum pro non valentibus adeo stricte vivere, cæteri Provinciae Conventus expediti maneant, & tam Guardianus ipse, quam cæteri omnes Fratres hebdomadam sine exceptione suo ordine faciant.

De criminosis.

Decimo. In præfatis Conventibus, nullus Frater criminofus, aut pro luenda pœna collocari possit, nec quisquam a quocumque Prælato missus recipi debeat, nisi de consensu Guardiani, & majoris partis Discretorum Conventus admittendus judicetur.

De admit- tendis.

Undecimo. Nullus Religiosus cuiuscumque qualitatis sit possit recreationis, aut alterius cuiusque negotii causa ad prædictos Conventus divertere; nisi quis ad exercitia spiritualia per aliquos dies facienda cum sequela omnium communitatum, & rigoris vitæ recollectæ admitti valuerit; nec Minister Provincialis, quando ad prædictos Conventus causa visitationis, vel alia accesserit, possit sub pœna suspensionis sui Officii per bimestre Saculares, aut alios Fratres secumferre præter suum Secretarium, & Socium, cui Provinciali plurimum in Domino commendatur, ut in Conventibus Recollectionum in omnibus se ipsum præbeat exemplum bonorum operum, & regularis disciplinæ.

De licentia egrediendi.

Duodecimo. Discursus Fratrum extra Conventum quantum fieri possit evitentur: & ut Fratres additi Choro extra Conventum non vagentur, statuitur, ut in quolibet prædictorum Conventuum, præter Officiales pro interiori gubernio necessarios, collocentur Fratres Laici spirituales, & devoti, qui continuo extra Conventum elemosynas pro necessitatibus Fratrum temporibus opportunis petant, & in hoc Deo inserviant, dum alii divinis laudibus, orationi, & Spiritualis vitæ quieti incumbunt. Fratribus autem Choro additis raro exeundi extra Conventum licentia concedatur, nec unquam nisi duo extra ipsum esse possint. Novitiis autem, & Clericis in nullo casu, nisi in Communitate exeundi è Claustro licentia concedi possit, sub pœna privationis Officii eam concedenti.

De observantia Constitutionum.

Ultimo. In prædictis Conventibus, quoad reliqua ad vitam Monasticam spectantia Constitutiones generales exacte ab omnibus observentur, ut cæteris exemplo, & ædificationi in pura observantia sint.

Item prædictorum statutorum.

Curent itaque Commissarius Generalis, & Provinciarum Diffinitoria, ut prædicti Recollectionis Conventus in prædicta vivendi forma erigantur, & componantur. Dum enim per attestatorem prædicti Commissarii Generalis, & Diffinitorii Provinciae, & Discretorum illorum Conventuum juramento firmatam, de tali erectione, & compositione confiterit, SSms D. Noster pro

sua benignitate licentiam inducendi Novitios in illis Conventibus sic efformatis, concedat. Quod si post primam concessionem prædicta vivendi forma in ipsis Recollectionis Conventibus exacte, & rigore non observetur, licentia ulterius inducendi in illa Provincia non concedetur. Unde Provincia ipsæ sibi consulant, nam si medio adeo ad bonum, & stabilitatem Religionis conducen- te non utatur, omnino successu temporis extinguentur.

Quantum ad Provincias Reformatas, cum forma vivendi, & Regulam, ac disciplinam regularem observandi in statutis pro ipsis Reformatis de anno 1642. contenta satis stricta sit, solummodo præcipitur, ut in Conventibus Novitiatus, & Professorii (præter institutiones san. mem. Clementis VIII. pro omnibus Regularibus in Decretis incip. *Cum ad Regularem* editis die 19. Martii anni 1603., & contenta in Decretis san. mem. Innocentii X. pro Minoribus Observantibus, & Reformatis incipien. *Ad propagandam* edit. 15. Octobris anni 1654., & ordinata in Brevi san. mem. Urbani VIII. pro Reformatis incipien. *Militantis Ecclesie* sub dat. die 1. Octobris anni 1641., quæ omnia omnino observanda sunt sub pœnis in eisdem literis Apostolicis conten.) prædicta statuta quantum ad omnia ad strictiorem Regulæ observantiam, regularem disciplinam, frequentiam Chori, & Mentalis Orationis assistentiam, omnium Communitatum die, noctueque omnino, & indispensabiliter ab omnibus in prædictis Conventibus commorantibus observentur, ita ut in illis nullus non valens propter infirmitatem communem illam vitam sequi possit collocari, & qui in prædictorum observatione defectuosus fuerit, ab ipsis expellatur. Monentur autem Provinciales, quod dum non confiterit indubitatis testimoniis in prædictis Conventibus reformationem esse in pristinum statum restitutam, & in eis prædicta omnia adamussim observari, licentiam Novitiis inducendi non obtinebunt.

Quia ex bona Prælatorum electione præcipue pendet Religionis Reformatio, districte præcipitur, ut Guardianatus, cæteraque regiminis officia omnino distribuuntur prout ratio meritorum (supposita corporis valetudine) cuiuscumque promovendi, & Bonum Provinciae exegerit, nullo habito respectu ad Patres quoscumque, qui officio functi sunt, vel funguntur, sub pœna Provinciali aliter proponenti suspensionis ab officio per semestre, Patribus autem sive de corpore Diffinitorii, sive extra illud exigentibus Guardianatum, aut aliud Officium suæ satisfactionis, sub pœna proprietatis præscripta. Quod ut exactius observetur, & contrariæ relaxationi remedium apponatur, de novo admittitur, & intimatur Constitutio san. mem. Urbani VIII., quæ incipit *Militantis Ecclesie* sub data die 1. Junii anni 1640. pro restituendo candore, communiter appellata cum omnibus facultatibus tum Eminentissimo Cardinali Protectori, tum Ministro, & Commissario Generalibus, in ea pro prædicto remedio efficaciter apponendo concessis.

Item præcipitur omnibus, & quibuscumque Patribus, & Fratribus, cuiuscumque sint conditionis, & qualitatis sub pœna privationis actuum legitimorum per sexennium, ut nullus eorum possit habere ad suum usum nisi unicum Cellam, nempe illius Conventus, in quo moratur de Familia, sive Subditus, sive Prælatus. Guardiani autem sub pœna privationis Officii Cellam cuiuscumque Patrum in Conventu suo de Familia non commorantium alteri Religioso sibi subdito concedant, quæ omnia Minister Provincialis in suis visitationibus omnino observari faciat sub pœna suspensionis officii per sex menses.

Item statuitur, quod nullus eligi possit in Prælatum, qui vitam communem non sequatur,

De Reformatis.

De electione Prælatorum.

De Cellis.

De Prælatorum qualitatibus.

hoc

hoc est, qui frequenter equitet, seu infirmitatem, qua ab obligatione peditandi excusetur, habeat, qui camisis, aut lineis utatur, vel apud se, vel in lecto, qui calceatus incedat, qui jejunia Ecclesiae, & Regulæ non observet, qui aliquando visus sit contrectare pecunias, nisi jam per triennium saltem emendatus sit, qui notabiliter sit defectuosus in assistendo Communitatibus Chori, & Refectorii, ac aliis, prout sibi in Constitutionibus præscribitur. Electio autem illius, qui in omnibus præmissis vitam communem non sequatur irritanda sit a Prælato Generali, capta informatione extrajudiciali pro sua conscientia, sine strepitu Judicii, cum consilio tantum, & assensu trium Patrum, qui Provinciales, vel ad minus Diffinitores Provinciæ sint, vel fuerint, super quo eorum conscientias oneramus, ne aut ille expellatur, qui vitam communem sequitur, aut ille confirmetur, qui illam non observat.

De Electo-
ribus.

Item, ut majori circumspectione electiones Prælatorum fiant, præcipitur Electoribus, sub pœna non suffragandi, ut antequam ad electionem Ministri, Custodis, Diffinitorum, & Guardianorum procedant, singillatim juramentum præstent coram Ven. Crucifixi Imagine, præsentæ Præsides se eum electuros in quolibet prædictorum Officiorum respective, quem in conscientia, & omnibus æqua lance libris digniorem judicabunt.

Del Prælato-
rum cura
circa neces-
saria.

Item præcipitur omnibus Prælatibus localibus, ut singulis suis subditis provideant de omnibus necessariis tam in victu, & vestitu, quam in quolibet alio juxta nostrum statum in propria specie, sub pœna privationis Guardianis negligentibus. Et de hoc puncto teneantur Provinciales, & Visitatores in suis visitationibus specialiter inquirere, & ad Diffinitorium proximum in Congregatione, aut Capitulo referre, in quo constante Guardiani negligentia, in Officio continuare non possit. Et ut frivola Guardianorum excusationes præcludantur, præcipitur Provincialibus Ministris, ut quam primum hæc statuta publicata fuerint, congregent Diffinitorium, & cum eo juxta S. C. Trid., & Apostolicas Constitutiones, taxent numerum Fratrum, qui per consueta eleemosynas, provisus omnibus necessariis juxta nostrum statum sustentari possint, & in libro Provinciæ prædictam taxam scribant, & in nullo Conventu plures Religiosos collocare possint, quam taxa præscripserit, nec possit petere licentiam induendi, nec jam obtenta uti, nisi simul transmittant testimonium Juramento firmatum, quod Provincia non habeat plures Fratres supra numerum in prædicta taxatione præfixum. Post quod statutum adimpletum nulla excusatio Guardianorum non providentium Subditis de necessariis admittatur, sed absolute in prædictis Congregationibus priventur.

Preces Mi-
nistri Gene-
ralis.

§. 3. Cum autem sicut eadem expositio sub-jungebat, prædictus Josephus Minister Generalis statuta hujusmodi quippe ad conservandum, & solidandum in ordine prædicto Regularis Observantiæ rigorem eximie conducibilia, pro firmitati illorum subsistentia, exactiorique observatione Apostolicæ confirmationis nostræ patrocinio communitari summopere desideret: Nos ipsius Josephi Ministri Generalis votis hac in re quantum cum Dño possumus favorabiliter annuere volentes, eumque a quibuscvis excommunicationis, suspensionis, & interdicti, aliisque Ecclesiasticis Sententiis, Censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinari, omnia, & singula statuta præinserta, in eisque contenta quæcumque auctoritate Apostolica tenore præsentium perpe-

tuo confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos Juris, & Facti defectus si qui desuper quomodolibet intervenerint, seu intervenisse dici, censi, vel prætendi possent, supplemus, & sanamus.

Clausula.

§. 4. Decernentes easdem præsentis literas, ac Statuta præinserta semper, & perpetuo firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari; Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, & Apostolicæ Sedis Nuntios, aliove quoslibet quacumque præeminentia, & potestate fungentes, & functuros; sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon dicti Ordinis, aliisque quibuscvis, etiam juramento, confirmatione Apostolica, vel quavis firmitate alia roboratis, statutis, & consuetudinibus; Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 6. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XXII. Novembris MDCLXXIX. Pontificatus nostri Anno Quarto.

Conceduntur Lectoribus jubilatis Fratrum Minorum de Observantia privilegia omnia Doctorum artium, & Magistrorum in Theologia.

LXXI.

De his vide Const. præcedentem, de Fratrum vero Minorum Observantium a Conventualibus separatione, cujus mentio fit in præsentis Brevi, vide Leonis X. Constitut. editam anno 5., die 29. Maji 1517.

INNOCENTIUS PAPA XI.

Ad futuram rei memoriam.

Dat. 27. Nov.
1679. An. 4.

EXponi nobis nuper fecit dilectus filius Celsus Maria Billo Commissarius Generalis curiæ Ordinis Fratrum Minorum Sancti Francisci de Observantia nuncupatorum, quod dudum statim atque dictus Ordo ab Ordine Fratrum Minorum ejusdem S. Francisci Conventualium nuncupatorum auctoritate Apostolica separatus fuit, Fratres Minores de Observantia hujusmodi, ut quidquid mundani fastus, atque ambitionis incitamentum inducere posset, a se procul amoverent, ad gradus Doctoratus Artium, & Magisterii in

Nonnulli contendebant dicti Ordinis Lectoribus, utpote nomine Doctoris, aut Magistri non donatis, neque horum prerogativis competere.

Omnia, &
singula relata
Statuta con-
firmantur.

Sacra Theologia promoveri, ac Doctores, & Magistri vocari desierunt, nihil tamen minus ejusmodi scientiarum studiis operam dederunt, sed qui in illis tantum progressi erant, ut alios docere possent, solo contenti fuerunt, & adhuc sunt nomine, & titulo Lectorum actualium, & habitualium, qui etiam post peractam juxta Apostolicas, & Ordinis sui Constitutiones saltem triennio Philosophiæ, & decennio Sacræ Theologiæ lectionem, Lectores jubilati vocati fuerunt, & vocantur. Cum autem sicut eadem expositio subjungebat, licet ejusmodi Lectores jubilati quoad rem ipsam, nempe literarum scientiam, a Magistris in Sacra Theologia, & Doctoribus Artium differre non videantur, quia tamen inter eos est nominum, titulorumque diversitas, nonnulli prætendant, ac etiam per sententias judicialiter definiant, illos Doctoribus, & Magistris hujusmodi in ordine ad aperiendas, & executioni mandandas literas per officium Pœnitentiariæ Apostolicæ expeditas, quæ ejusmodi Doctoribus, seu Magistris super absolutione, dispensatione, votorumque, seu aliarum obligationum commutatione dirigi solent, ac quoad alias prærogativas, pares non esse. Nobis propterea dictus Celsus Maria humiliter supplicari fecit, ut in præmissis opportune providere, & ut infra indulgere de benignitate Apostolica dignemur.

§. 1. Nos igitur Ordinis prædicti decori, & honorificentia quantum cum Domino possumus, benigne consulere, ipsumque Celsum Mariam specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum ferie absolventes, & absolutum fore censentes, hujusmodi supplicationibus inclinati, omnibus, & singulis memorati Ordinis Fratrum Minorum Sancti Francisci de Observantia Lectoribus jubilatis præsentibus, & futuris, ut quascumque literas per officium Pœnitentiariæ Apostolicæ hujusmodi pro tempore expeditas, quæ Doctoribus Artium, seu Magistris in Sacra Theologia directæ fuerint, recipere, aperire, ac juxta illarum formam, & tenorem executioni mandare; nec non quoad alias functiones Ecclesiasticas, & literarias quascumque, omnibus, & singulis prærogativis, præeminentiis, privilegiis, gratiis, & indultis, quibus Fratres expresse professi aliorum Ordinum Doctores Artium, & in Sacra Theologia Magistri, tam de jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possint, & poterint in futurum, pari modo uti, frui, & gaudere libere, licite, & valide possint, & valeant, auctoritate Apostolica tenore præsentium concedimus, & indulgemus. Caterum non intendimus per præsentis literas privilegia, exemptiones, prærogativas, gratias, & Indulta, quæ præfatis Lectoribus jubilatis per Apostolicas, & Ordinis primodicti Constitutiones concessa sunt, ullo modo augere, vel minuire, sed illa in statu, & terminis in quibus de præsentibus reperiuntur, remanere volumus.

§. 2. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices ordinarios, & delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam

quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & ordinationibus Apostolicis, nec non dicti Ordinis, aliisque quibusvis etiam jramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, ubique locorum tam in judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ Apud Sanctam Mariam Majorem sub Annulo Piscatoris die XXVII. Novembris MDCLXXIX. Pontificatus nostri Anno Quarto.

Permittitur, ut in Provincia S. Petri de Alcantara Discalceatorum in Regno Neapolitano locum habere possint Fratres ejusdem Ordinis Provinciarum Hispaniæ.

INNOCENTIUS PAPA XI.

Ad perpetuam rei memoriam.

Alias fel. record. Clementi PP. X. prædecessori nostro pro parte dilecti filii nobilis viri Petri de Aragonia Ducis Segobricæ, & Cardonæ tunc Regni Neapolis Proregis, exposito, quod cum Custodia S. Petri de Alcantara in dicto Regno Neapolis Fratrum minorum Ordinis Sancti Francisci de Observantia Discalceatorum nuncupatorum in executionem quarundam ipsius Clementis prædecessoris in simili forma Brevis literarum die 30. Septembris 1670. expeditarum perpetuo erecta, & instituta fuisset, eo præcipue fine, ut illius Fratres instructioni, aliisque spiritualibus necessitatibus militum Hispanorum in eodem Regno pro tempore degentium operam darent, idem Petrus Dux, & Prorex nonnulla sine quibus finis hujusmodi obrineri nequibat, nec custodia ipsa in sui Instituti rigore & puritate conservari potuisset, statui, & indulgeri plurimum desiderabat: Idem Clemens prædecessor supplicationibus ipsius Petri Ducis, & Proregis nomine sibi super hoc humiliter porrectis inclinatus, quod ejusdem Custodiæ Custos, & Conventus S. Lucie de Monte nuncupat. Civitatis Neapolitan. ad ipsam Custodiam spectantis Guardiani natione Hispani semper esse deberent; Ex quatuor vero Definitoribus ipsius Custodiæ saltem duo semper essent Hispani, etiam in casum subrogationis, & Superiores ejusdem Custodiæ, præter, & ultra præfatos Hispanos in dicto Conventu Sanctæ Lucie saltem Concionatores, & duos Confessarios pariter Hispanos pro Concionibus ad præfatos milites Hispanos habendis, eorumque Confessoribus audientis habere semper tenerentur, ne unquam in futurum in Custodiam præfatam recipi posset ullus Frater in alia Provincia, vel Custodia professus, sed quando aliquem admitti expediens, vel necesse fuisset, is immediate a sæculo ad habitum recipi, & in dicta Custodia, ejusque Domo No-

vitiatus

Preces Commissarii Generalis Curie

Permittitur, prædictis Lectoribus, ut executioni mandent literas S. Pœnitentiariæ, necnon gaudeant privilegiis aliis Doctorum, & Magistrorum, non immutatis propriis.

Clausula.

LXXII.

Dat. 29. Nov. 1679. An. 4.

Ortus, & progressus hujus Provincie cum suis statutis.

vitiatus educari deberet, auctoritate Apostolica inter alia statuit, & ordinavit, & alias prout in ipsius Clementis prædecessoris literis desuper in simili forma Brevis die 28. Augusti 1673. emanatis, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur. Cum autem sicut pro parte Charissimi in Christo filii nostri Caroli Hispaniarum Regis Catholici per dilectum filium nobilem virum Gasparem de Haro y Guzman pro eodem Carolo Rege apud nos, & Sedem Apostolicam Oratorem Nobis nuper expositum fuit, Custodia præfata subinde in Provinciam auctoritate Apostolica erecta fuerit, & Congregatio tunc existentium S. R. E. Cardinalium negotiis, & consultationibus Episcoporum, & Regularium præposita declaraverit Ministrum Provinciale novæ Provinciæ hujusmodi natione Hispanum esse debere, quemadmodum de Custode in ultimo dictis Clementis prædecessoris literis statutum reperiebatur, verum si prohibitio recipiendi in dictam Custodiam nunc Provinciam Fratres in alia Provincia, vel Custodia professos, generaliter etiam quo ad fratres Discalceatos Provinciarum Hispaniæ dicti Ordinis observaretur, nec dicta nova Provincia diu conservari, ne finis propter quem prima Custodiæ prædictæ erectio facta est, obtineri, neque supra expressæ ordinationis Clementis prædecessoris executioni mandari valerent, & cum sperari non possit tot a sæculo in eandem novam Provinciam receptum iri in Fratres Hispanos, quot pro adimplendis statutis, & ordinationibus hujusmodi sufficiant. Nobis propterea ejusdem Caroli Regis nomine per præfatum Gasparem Marchionem humiliter supplicatum fuit, ut in præmissis opportune providere, & ut infra indulgere de benignitate Apostolica dignemur.

§. 1. Nos igitur ipsius Caroli Regis votis hac in re quantum cum Domino possumus favorabiliter annuere volentes hujusmodi supplicationibus inclinati, ut Fratres Discalceati expresse professi Provinciarum Hispaniæ Ordinis prædicti, cum debitis suorum Superiorum licentiis in præfatam Provinciam S. Petri de Alcantara in Regno Neapolis, servatis servandis recipi, & admitti, illique incorporari libere, licite, & valide possint, & valeant auctoritate Apostolica tenore præsentium concedimus, & indulgemus. Præterea, ut Minister Provincialis, ac duo saltem Definidores, & Guardianus dicti Conventus Sanctæ Lucie ejusdem Provinciæ pro tempore existentes natione Hispani, nempe ex utroque Parente Hispano nati semper esse, cæteraque omnia, & singula in ultimodictis Clementis prædecessoris literis disposita, in Provincia hujusmodi semper observari debeant, auctoritate, & tenore præfatis statuimus pariter, & ordinamus.

§. 2. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, ac pro tempore quomodocumque spectabit in omnibus, & per omnia plenissime suffragari, & ab eis respective inviolabiliter observari. Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus quo ad ea, quæ præsentibus quomodolibet adversantur præfatis Clementis prædecessoris literis, necnon omnibus, & singulis illis, quæ in eis concessa sunt non obstante, cæterisque contrariis quibuscumque.

§. 4. Volumus autem, ut earundem præsentium literarum transumptis, & exemplis etiam impressis manu alicujus Notarii publici subscri-

ptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXIX. Novembris MDCLXXIX. Pontificatus nostri Anno Quarto.

Revocatur concessio facta Vicecancellario quamplurium Officiorum vacabilium, quæ denuo Camere Apostolicæ restituantur.

INNOCENTIUS PAPA XI.

Motu proprio &c., Divina disponente clementia ad summi Apostolatus apicem meritis licet imparibus assumpti, inter cætera cordis Nostri desiderabilia illud intensius exoptamus affectibus, ut ea, quæ Sedis, & Camere Apostolicæ, cujus affectus, redditus, & proventus a nonnullis Romanis Pontificibus temporum, & rerum qualitatibus id tunc permittentibus concessi, atque assignati fuerunt, commodum, & utilitatem respiciunt, Nos urgentibus causis novis restituamus, & ad statum primævum reducamus, sive de novo applicemus, & attribuamus, aliaque desuper opportune disponamus, & ordinemus, prout majori ejusdem Sedis, & Camere sublevamini conspiciamus expedire.

§. 1. Cum itaque rec. memor. Prædecessores nostri Sixtus PP. IV., Leo Papa X., Paulus Papa III., & forsitan alii infrascripta officia vacabilia ad Sedem, & Cameram Apostolicam pertinentia, ex certis expressis causis, & præsertim ob aliquam Cancellariæ emolumentorum diminutionem resultantem ab aliquibus Privilegiis, quæ Officialibus de novo erectis concessa fuerunt, S. R. E. Vice-Cancellario tunc, & pro tempore esistenti, ejusque Vice-Cancellariatus Officio in perpetuum concesserint, assignaverint, forteque donaverint, & elargiti fuerint atque pariter rec. mem. Sixtus PP. V. similiter Prædecessor noster concessionem, & assignationem hujusmodi confirmando, & approbando, aliorumque Officiorum concessionem de novo faciendo tunc, & pro tempore esistenti Vice-Cancellario amplam dederit facultatem, & potestatem de eis quomodocumque, & quomodocumque casus eorum vacationis eveniret libere disponendi, ac personis sibi bene visis ad vitam, etiam per viam venditionis, & recepto pretio concedendi, & conferendi simili modo, quo Romanus Pontifex de aliis Romanæ Curie Officiis vacabilibus disponere solebat, & solet, ut ex præfatorum, aliorumque Romanorum Pontificum Motibus propriis, seu Literis, & Provisionibus, quorum tenores ex certa scientia pro expressis, atque in præsentem Motu proprio pro insertis haberi volumus, ipsaque Officia sunt, nempe unum Regentis ejusdem Cancellariæ, sex majoris, & quindecim minoris Præfidentie Abbreviatorum, viginti quinque Solicitorum Literarum Apostolicarum, duodecim Notariorum causarum Palatii Apostolici, ad unum dumtaxat per rec. mem. Clementem PP. X. etiam Prædecessorem nostrum reducta, tria Cubiculariorum, septem Scutiferorum de numero Participantium, viginti sex S. Petri, tresdecim S. Pauli, duo de Lilio, & viginti Piorum Militum, necnon Custodis, Notariatusque, & Ostiarii ejusdem Cancellariæ, unum Notariatum Contradictarium, & aliud *De consuetis* nuncupatum, nonnullaque forsitan alia Officia hujusmodi vacabi-

LXXIII.

Dat. 14. Dec.
1679. An. 4.

Exordium.

A quibus
facta ejusmodi
concessio.Concessa
Officia re-
cententur.Preces Ca-
roli Regis
Catholici.Permissio
prædicta, &
statutum ser-
vandi in re-
liquis Clem.
X. literas pro
dicta Pro-
vincia editas.

Clausula.

Causa revo-
cationis.Fit revoca-
tio, & una si-
mul Camera
Apostolica
restitutio
praedictorum
officiorum,
ubi primo
vacaverint.

Clausula.

lia, quae pariter in praesenti Motu proprio pro-
plene, & sufficienter expressis haberi volumus.

§. 2. Nos occasione vacationis praefati Officii Vice-Cancellariatus per obitum bo. me. Francisci, dum viveret S. R. E. Cardinalis Barberini nuncupati, Sacri Collegii Decani, ac Ostien., & Veliterni. Episcopi ejus possessoris nuper sequutae, considerantes praefatum Vice-Cancellariatus Officium cum aliis emolumentis, quibus ejus Possessor potiri solet, juxta modum in ejus collatione, & provisione a Nobis decernendum, congruam, sufficientemque provisionem habere, omnemque justitiae, aequitatis, & congruentiae rationem exigere, ut praefata officia, & alia, si quae sint similia incremento, & sublevamini cedant praedictarum Sedis, & Camerae Apostolicae, quae de praesenti magis gravibus, & urgentibus necessitatibus premuntur, atque eis quod jam suum erat, restituere. Hinc rebus mature, & diligenter examinatis, ex praemissa, aliisque rationabilibus causis, animum nostrum moventibus Motu simili, & ex certa scientia, maturaque animi Nostri deliberatione, ac de Apostolicae potestatis plenitudine, omnia, & singula praefata, & quavis alia cujusvis generis, & qualitatis, ac quomodolibet nuncupata Officia vacabilia, & vendi solita, si quae sint, alias superius non expressa, eidem S. R. E. Vice-Cancellario concessa, assignata, applicata, & appropriata, aut etiam donata, ut praemittitur, ab eodem Vice-Cancellariatus Officio, Apostolica auctoritate dismembramus, & separamus, illorumque omnium, & singulorum sic dismembratorum, & separatorum Officiorum concessionem, & assignationem, omnimodamque illorum dispositionem cum primam, ac deinceps semper, & quotiescumque illa per cessum, vel decessum, aut promotionem, privationem, seu quamvis aliam dimissionem, illa pro tempore quantumvis personarum, etiam speciali nota dignarum obtinentium, vacare contigerit, ex tunc plene, & perfecte Sedi praefatae, nobisque, & Successoribus nostris Romanis Pontificibus pro tempore existentibus, restituimus, & quatenus opus sit concedimus, assignamus, & incorporamus, atque ad eandem Sedem, & Camerae pleno jure spectare, & pertinere, perpetuis futuris temporibus, ad instar aliorum Officiorum vacabilium Romanae Curiae in omnibus, & per omnia eadem auctoritate volumus, statuimus, & ordinamus.

§. 3. Decernentes eundem S. R. E. Vice-Cancellarium pro tempore existentem super eorumdem Officiorum dispositione nullo modo se immiscere posse. Sicque in praemissis omnibus, & singulis per quoscumque Judices, etiam Caesarum Palatii Apostolici Auditores, ac ejusdem S. R. E. Cardinales, etiam de Latere Legatos, & Apostolicae Sedis Nuncios, aliosve quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; irritumque, & inane quidquid secus super his a quocumque quavis auctoritate scienter, vel ignoranter contigerit attentari.

§. 4. Non obstantibus de jure quaesito non tollendo, aliisque Cancellariae Apostolicae Regulis editis, & edendis, necnon Callisti III., Sixti IV., Leonis X., Pauli III., Sixti V., ac Gregorii XIII., & Urbani VIII., & aliorum Romanorum Pontificum Praedecessorum Nostrorum, necnon Pii IV., etiam Praedecessoris nostri gratias praefatam Camerae concernentes, in eadem Camera omnino registrari debere, disponentibus, aliisque Constitutionibus, & Ordinationibus Apostolicis, etiam Conciliaribus desuper quomodolibet in genere, vel in specie edi-

tis, etiam motu, scientia, & potestatis plenitudine similibus, ac quibuscumque, etiam quantumvis efficacissimis clausulis, & Decretis etiam irritantibus roboratis, ac alias in contrarium praemissorum quomodolibet concessis, confirmatis, & innovatis, & quavis concessione hujusmodi, ex causa refectionis damnorum, vel alia quavis, etiam onerosa, & corresponsiva factae sint, quibus omnibus, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia exquisita forma ad id observanda foret tenores hujusmodi, ac si de verbo ad verbum nihil penitus omisso, & forma in illis tradita observata inserti forent, praesentibus pro plene, & sufficienter expressis, ac de verbo ad verbum insertis habentes, illis alias in suo robore permanens, hac vice dumtaxat, motu, & potestatis plenitudine praefatis derogamus, & derogatum esse volumus, & decernimus, ceterisque contrariis quibuscumque cum clausulis opportunis.

Fiat Motu proprio B.

§. 5. Et quod singulorum Officiorum praedictorum, concessionum, assignationum, & donationum tenores, etiam veriores, ac earum datae habeantur pro expressis, seu in toto, vel in parte exprimi possint in literis. Et de perpetuis dismembratione, separatione, voluntate, statuto, ordinatione, singulorum Decretorum derogatione, aliisque praemissis, quae hic pro sufficienter, & ad partem repetitis habeantur, ut supra, in literis, & cum clausula ad perpetuam rei memoriam latissime extendendis. Volumus autem, quod sola praesentis Nostri Motus proprii Signatura sufficiat, & ubique fidem faciat in judicio, & extra, etiam regula contraria, & ceteris quibuscumque, ut supra, non obstantibus, seu si videbitur literae Apostolicae desuper cum praemissorum omnium, & singulorum, etiam denominationum, qualitatum, nuncupationum, aliorumque necessariorum, majori, & veriori expressione per Breve Nostrium, seu Officium de Curia expediri possint, ejusdemque Motus proprii, seu Literarum desuper conficiendi exemplis etiam impressis, manu alicujus Notarii publici subscriptis, & sigillo personae in dignitate Ecclesiastica constitutae obsignatis, seu munitis, eadem prorsus fides in judicio, vel extra ubique locorum adhibeatur, quae adhiberetur eidem Cedulae, seu Literis, si forent exhibitae, vel ostensa.

Datum Romae apud S. Petrum XIX. Kal. Januarii Anno Quarto.

Confirmatur Summarium Indulgentiarum Confraternitatum SS. Trinitatis Redemptionis Captivorum, jam ante a S. Congregatione recognitum, & approbatum.

Quoad has Confraternitates omnibus Indulgentiis generaliter revocatis illas confirmavit Paulus V., & alias de novo concessit Clemens X. Constit. 37. Alias Nos. sup. pag. 58.

INNOCENTIUS PAPA XI.

Ad perpetuam rei memoriam.

Exponi Nobis nuper fecit dilectus filius Joseph Monier Procurator Generalis Ordinis Fratrum SS. Trinitatis Redemptionis Captivorum, quod cum nonnullae Indulgentiae, & peccatorum remissiones, ac poenitentiarum

Motus proprius.

LXXIV.

Dat. ro. Febr.
1680. An. 4.

Nonnullae Indulgentiae concessae fuerunt dictis Confraternitatibus, & in Summaris redactae, ut infra.

relaxa-

relaxationes Confratribus utriusque sexus Christianissimum sub titulo, seu invocatione ejusdem Sanctissimæ Trinitatis Redemptionis Captivorum a Superioribus dicti Ordinis, ex Indulto Sedis Apostolicæ erectis, & erigendis Apostolica auctoritate concessæ reperirentur, illarum Summarium confectum, ut a Congregatione Venerabilium Fratrum nostrorum S. R. E. Cardinalium Indulgentiis, & Sacris Reliquiis præpositorum recognitum, & approbatum fuit, tenoris qui sequitur videlicet--

§. I. Summarium Indulgentiarum a Summis Pontificibus Confraternitatibus ab Ordine SSimæ Trinitatis Redemptionis Fidelium Captivorum erectis, & institutis concessarum.

Qui Ordo non sine Divina revelatione a Gloriosis Sanctis Joanne de Matha, & Felice de Valois fundatus fuit, eademque Confraternitates, quamplurimi Reges, Principes, Nobiles, & innumeri utriusque sexus Christianifideles ingressi sunt, qui ad tam frequentes, & numerosas redemptiones a dicto Ordine ab initio illius foundationis usque ad præsentem factas liberalibus elemosynis cooperati sunt. Indulgentiæ vero sunt infra scriptæ, omnes revocatis a B. Pio V., quæ manus adiutrices requirebant, postea a Paulo V., qui revocatis antiquis novas concessit, & postremo a Clemente X., qui omnes generaliter exceptis in hoc præsentis folio contentis, nonnullis confirmatis, & aliis prout in Brevis sub Datum 3. Junii 1673. de novo concessis revocavit.

*Indulgentiæ a Paulo V. dictis Confratribus, & Con-
sororibus concessæ.*

I.

Omnibus, & singulis utriusque sexus Christianissimis fidelibus vere penitentibus, & confessis ac Sacra Communione refectis prima die, qua in dicta Confraternitate adscribentur, ac habitum, seu Scapularium manu ejusdem Superioris dicti Ordinis benedictum susceperint, absque voti emissionem, plenariam omnium peccatorum suorum Indulgentiam, & remissionem concessit.

II.

Eisdem Confratribus, & Sororibus nunc, & pro tempore existentibus Scapularium supradictum deferentibus, & vere penitentibus, & confessis, ac Sacra Communione refectis Sanctissimum Nomen Jesu ore, si potuerint, sin minus, corde in cujuslibet eorum mortis articulo devote invocaverint.

III.

Eisdem Confratribus, & Sororibus, qui vere penitentibus, & confessis, ac Sacra Communione refectis Ecclesiam, aut Cappellam, vel Oratorium Ordinis, aut Confraternitatis die festo Sanctissimæ Trinitatis devote visitaverint, & ibi pro Christianorum Principum concordia, hæresum extirpatione, & Sanctæ Matris Ecclesiæ exaltatione pias ad Deum preces fuderint, plenariam.

IV.

Eisdem Confratribus, & Sororibus, qui ad partes Infidelium Captivos redimendi gratia se transfulerint, ac prius vere penitentibus, & confessis Sanctissimum Eucharistiæ Sacramentum sumpserint, plenariam.

V.

Ipsismet Captivi redemptis, qui infra mensem a die eorum reductionis computant, vere penitentibus, & confessis Sanctissimum Eucharistiæ Sacramentum sumpserint, plenariam similiter omnium peccatorum suorum Indulgentiam, & remissionem misericorditer in Domino concessit.

VI.

Eisdem Confratribus, & Sororibus, qui supradictum habitum, sive Scapularium benedictum Redemptionis signo munitum pro cordis affectu detulerint, ac semel in die sexies Orationem Dominicam, cum versiculo *Gloria Patri*,

ac etiam sexies Salutationem Angelicam cum eodem versiculo *Gloria Patri*, pro Christianorum Principum concordia, hæresum extirpatione, ac Sanctæ Matris Ecclesiæ exaltatione recitaverint, septem annos, & totidem quadragenas.

VII.

Eisdem Confratribus, & Sororibus, qui supradictas Ecclesias, vel Cappellas, aut Oratoria Ordinis, vel Confraternitatis hujusmodi in Nativitatibus, & Resurrectionis Domini Nostri Jesu Christi, in Assumptionis Beatæ Virginis Immaculatæ Festis diebus, ac Sanctæ Agnetis secundo (quo die revelatione Divina prædictus Ordo Redemptionis Captivorum fuit institutus) visitaverint, ac prædictas Orationes pro Christianorum Principum concordia, hæresum extirpatione, ac Sanctæ Matris Ecclesiæ exaltatione recitaverint septem annos, & totidem quadragenas.

VIII.

Eisdem Confratribus, & Sororibus, qui vere penitentes, & confessi processioni *Scapularii* nuncupatæ de licentia Ordinarii in una Dominica cujuslibet mensis a Superioribus dicti Ordinis designanda interfuerint, septem annos, & totidem quadragenas.

IX.

Eisdem Confratribus, & Sororibus, qui opera pia tam spiritualia, quam temporalia in remissionem peccatorum suorum, ac pro redemptione Captivorum a servitute Turcarum, & aliorum Infidelium exercuerint, septem annos, & totidem quadragenas.

X.

Eisdem Confratribus, & Sororibus, qui vere penitentes, & confessi, ac Sacra Communione refecti quotidie per annum ter Orationem Dominicam, & toties Salutationem Angelicam, & in fine semel versiculum *Gloria Patri*, cum versiculis, & Responsoriiis, & Orationibus a prædictis Superioribus assignatis recitaverint, & pro Captivis apud Turcas retentis, ne nomen Domini Nostri Jesu Christi abnegent, sed constantes in fide persistant, & quantocius liberentur, oraverint, semel quot annis, & quo anni die maluerint, septem annos.

XI.

Eisdem Confratribus, & Sororibus, qui confessi, vel saltem firmum propositum confitendi habentes Captivos redemptos, processionaliter receperint, & ad Ecclesiam, Cappellam, vel Oratorium d. Ordinis, vel Confraternitatis comitati fuerint, septem annos, & totidem quadragenas.

XII.

Eisdem Confratribus, & Sororibus, qui cum lumine, si potuerint, vel absque lumine Sanctissimum Eucharistiæ Sacramentum cum ad Infirmos deferunt, comitati fuerint, & pro his oraverint, quinque annos, & totidem quadragenas.

XIII.

Eisdem Confratribus, & Sororibus quoties defunctorum corpora tam Confratrum, & Sororum, quam aliorum, dum ad Sepulturam deferuntur, comitati fuerint, & pro his oraverint, centum dies.

XIV.

Eisdem Confratribus, & Sororibus, qui Missis, & aliis Divinis Officiis in Ecclesiis, vel Cappellis, aut Oratoriis prædictæ Confraternitatis celebrari solitis, vel Congregationibus publicis, aut privatis ejusdem interfuerint, vel pauperes hospitio susceperint, aut quodcumque aliud pietatis, vel charitatis opus exercuerint, toties pro quolibet prædictorum operum centum dies.

XV.

Supradictæ Indulgentiæ concessæ fuerunt a fel. rec. Paulo V. anno 1608. die 6. Augusti per Breve, quod incipit *Civiles Ecclesiæ thesauros*.

In nonnullis
festis.

In die Processionis
Scapularii.

Exercen-
tibus se in piis
operibus.

Recitantibus
quotidie per
annum ter
Pater &c.
septem anni.

Comitanti-
bus redem-
ptos.

Item Sacra-
mentum Eu-
charistiæ,
quinque an-
nis, & toti-
dem quadra-
genas.

Rursus De-
functos cen-
tum dies.

Adstantibus
Missis, vel Of-
ficiis &c.

Ordo hujus-
modi laudi-
bus ornatur.

Indulgentia
plenaria in
die ingressus.

Invocanti-
bus nomen
Jesu.

In festo SS.
Trinitatis.

Iter facien-
tibus Redem-
ptionis gra-
tia.

Captivis re-
demptis.

Septem anni,
& totide qua-
dragenas reci-
tantibus sex-
ies in die
Pater, & Ave,
cum Gloria.

Idem Pontifex anno 1620. die 6. Novembris per Breve, quod incipit--*Pias Christifidelium Confraternitates*, sequentem Indulgentiam plenariam concessit.

XVI.

Confratribus, & Sororibus Confraternitatis SS^me Trinitatis, & Sancte Mariæ de Remedio in Ecclesiis dicti Ordinis, qui vere poenitentes, & confessi, ac Sacra Communione refecti processioni in una Dominica cujuslibet mensis in dictis Ecclesiis Ordinis fieri solite interfuerint, & ibi pro Christianorum Principum concordia, hæresum extirpatione, ac S. Matris Ecclesiæ exaltatione pias ad Deum preces fuderint, plenariam omnium peccatorum suorum Indulgentiam, & remissionem.

XVII.

Et quia ad consequendas Indulgentias, de quibus numero x. ordinat Summus Pontifex, ut post tres Orationes Dominicas, & tot Salutationes Angelicas, cum versiculo *Gloria Patri*, etiam versiculi, & nonnulla responsoria dicantur a Superioribus prædicti Ordinis assignata, poterit dici una *Salve Regina*.

Indulgentia a fel. rec. Clem. PP. X. concessa.

Clemens PP. X. Confratribus, & Sororibus vere poeniten., & confessis, ac Sacra Communione refectis, qui aliquam ex Ecclesiis dicti Ordinis, aut Confraternitates, vel Oratorium ejusdem in quibuslibet infrascriptis diebus devote visitaverint, & ibi pro Christianorum Principum concordia, hæresum extirpatione, ac S. Matris Ecclesiæ exaltatione, pro Captivorum libertate, & eorum in fide perseverantia pias ad Deum preces effuderint, scilicet in Nativitatis, & Purificationis B. Mariæ Virginis Immaculatæ, in Sanctorum Michaelis Archangeli, Clementis Papæ & Martyris, Inventionis Sanctæ Crucis, Nativitatis Sancti Joannis Baptistæ Festis diebus, plenariam omnium peccatorum suorum Indulgentiam, & remissionem. Similiter in Sanctorum Joannis de Matha, & Felicis de Valois Patrum nostrorum diebus Festis Ecclesiæ Ordinis visitantibus Indulgentiam plenariam, & omnium peccatorum remissionem.

Idem Clemens PP. X. Confratribus, & Sororibus Ecclesiæ Ordinis, aut Confraternitatis, vel Cappellas, aut Oratoria ejusdem visitantibus, Indulgentias Stationum Urbis in Missali Romano expressarum, in diebus earundem Stationum concessit.

Denique Indulgentiæ plenariæ in S. Michaelis Archangeli, S. Clementis PP. & Martyris, Inventionis S. Crucis, ac Nativitatis S. Joannis Baptistæ Festis diebus pridem concessæ modo ad alios quatuor, videlicet diem Cinerum, secundam Dominicam Octobris, Sanctæ Catharinæ Virginis & Martyris, & S. Agnetis secundo dies translatae fuerunt, prout ex Brevis SS^mi Domini Nostri Innocentii PP. XI. sub die 14. Decembris 1678. expedito constat.

Confratrum, & Sororum Obligationes.

Confratres, & Sorores nostri habitum, seu Scapularium parvulum ex lana alba, Cruce rubra, & cerulea munitum ab aliquo ejusdem Ordinis Superiore benedictum sumere, & super se gestare debent, quando vero Scapularium scissum erit, ejusque amissa forma, renovatur, eique nova Crux apponitur, & de novo benedicitur, prout quando novum sumitur.

Ad prædictas Indulgentias consequendas, non tenentur Confratres, & Sorores prædicti ad emissionem voti, carnis abstinentiam, & jejuniorum observantiam ultra ea, quæ ab Ecclesia mandantur.

Ut eadem Indulgentiæ lucrifiant orationes recitare, & opera a Pontificibus præscripta exercere necesse est, diversæ Indulgentiæ pro diversis Orationibus, & operibus conceduntur. Itaque Confratres, & Sorores quotidie quasdam Indulgentias lucrari facile poterunt, si tamen preces recitare, vel opera prædicta exercere omiserint, non peccabunt.

Quinque dies benedictionis, & absolutionis generalis (licet a culpa proprie non absolvatur, juxta declarationem fel. rec. Clementis VIII.) sunt feria quarta Cinerum, feria quinta majoris hebdomadæ, S. Catharinæ Virginis & Martyris, SS^me Trinitatis, & S. Agnetis secundo dies Festi, in quibus bona, & suffragia Religionis communicantur solis Confratribus, & Sororibus Confraternitatis, qui vere poenitentes, & confessi, ac Sacra Communione refecti genuflexi hujusmodi functioni in Ecclesiis Ordinis peragenda interfuerint. Quia vero Confratres, & Sorores Schedulis impressis, vel manuscriptis invitari non solent suo tempore, & debita præparatione convenire procurent, ut tot bonorum participes fiant, Clemens VIII. Const. 85., formam vero benedictionis generalis præscripsit Clemens PP. X., prout in Brevis XI. Febr. 1673.

§. 2. Die 28. Novembris 1679. Sacra Congregatio Summarium hoc a se recognitum approbavit.

A Card. Homodeus, Loco ✠ Sigilli. Michael Angelus Riccius Congregationis Secretarius.

§. 3. Cum autem, sicut eadem expositio subjungebat, firmiora sint, & servantur exactius illa, quæ Apostolicæ Sedis præfatæ munimine corroborantur; nobis propterea dictus Josephus Procurator Generalis, dilecti etiam filii moderni Ministri Generalis Ordinis præfati nomine humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 4. Nos igitur ipsos Ministrum Generalem, & Josephum Procuratorem Generalem specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatae existant, ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, præinfertum Summarium Indulgentiarum a memorata Cardinalium Congregatione recognitum, & approbatum, ut præfertur, auctoritate Apostolica tenore præsentium approbamus pariter, & confirmamus, illique inviolabilis Apostolicæ firmitatis robur adjicimus.

§. 5. Decernentes easdem præsentem literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari; sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus & Ordinationibus Apostolicis, ceterisque contrariis quibuscumque.

§. 6. Volumus autem, ut præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides tam in Judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum

In Dominica
Processionis
Indulgentia
plenaria.

Recitantibus
quotidie per
annum *Salve
Regina* sep-
tem anni.

In quibus-
dam festis
Indulgentia
plenar.

Visitantibus
Ecclesiæ Or-
dinis, &c. In-
dulgentia
Stationum.

Translatio
Indulgentia-
rum ad alios
dies.

Gestare de-
bent Scapu-
larium.

Tenantur
servare tan-
tum mandata
Ecclesiæ.

Ut prædictas
Indulgentias
consequan-
tur, præstare
debent a Pon-
tificibus præ-
scripta.

Curent in-
teresse Bene-
dictioni, &
Absolutioni
generali.

Approbatio
Sacrae Con-
gregationis.

Preces Mi-
nistri, & Pro-
curatoris Ge-
neralis Or-
dinis.

Confirmatio
Pontificis re-
lati Summa-
rii.

Clausula.

Datum Romæ apud S. Petrum sub Annulo Piscatoris die X. Febr. MDCLXXX. Pontificatus nostri Anno Quarto.

LXXV.

Extenditur Festum B. Mariæ de Mercede cum Officio, & Missa Religiosorum ejusdem Ordinis ad universum Clerum Regnorum Hispaniarum, & Provinciarum Regis Catholici.

Dat. 15. Febr.
1680. An. 4.

INNOCENTIUS PAPA XI.

Ad perpetuam rei memoriam.

Exordium.

O Rthodoxorum Regum de Ecclesia Dei multis nominibus optime meritum studia ad promovendam in suis Regnis, & Ditionibus pietatem laudabiliter tendentia paterna charitate libenter exaudimus, ac favoribus, & gratiis prosequimur opportunis.

Preces Caroli Regis Catholici.

§. 1. Cum itaque sicut pro parte charissimi in Christo filii Caroli Hispaniarum Regis Catholici nobis per dilectum filium nobilem Virum Gasparem de Haro, y Guzman Marchionem de Carpio pro eodem Carolo Rege apud Nos, & Sedem Apostolicam Oratorem nuper expositum fuit ipse Carolus Rex pro summo pietatis studio, quo Sanctissimam Virginem Dei Genitricem Mariam prosequitur, festum ejusdem Beatissimæ Virginis Mariæ de Mercede, cum Missa, & Officio proprio sub ritu duplici, quibus Religiosi Ordinis de Mercede Redemptionis Captivorum ex indulto Sedis Apostolicæ, & juxta approbationem Officii hujusmodi noviter a Congregatione Venerabilium Fratrum nostrorum Sanctæ Romanæ Ecclesiæ Cardinalium Sacris Ritibus præpositorum die decima octava Martii proxime præteriti emanati utuntur, in omnibus Hispaniarum Regnis, Ditionibus, Dominiis, & Provinciis sibi subjectis quotannis celebrare posse plurimum desideret. Nos piis ejusdem Caroli Regis votis, & supplicationibus Nobis super hoc humiliter porrectis, quibus etiam accesserunt preces dilecti filii Josephi Linas in Sacra Theologia Magistri, dicti Ordinis Procuratoris Generalis, quas ejusdem Ordinis super ea re quoque nobis humiliter porrexit favorabiliter quantum cum Domino possumus annuere cupientes, de memoratorum Cardinalium consilio, ut Missa, & Officium hujusmodi sub ritu duplici singulis annis Dominica proximiori Calendis Augusti ab omnibus utriusque sexus Christianidelibus, tam secularibus, quam Regularibus, qui ad horas Canonicas tenentur in omnibus Hispaniarum Regnis, Ditionibus, Dominiis, & Provinciis prædicto Carolo Regi subiectis celebrari, & recitari respective libere, & licite possint, & valeant auctoritate Apostolica tenore præsentium concedimus, & indulgemus.

Item Procuratoris Generalis Ordinis.

Extensio prædicti festi Dominica proximiori Calendis Augusti ab omnibus celebrandi.

Clausula.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari. Sicque in præmissis per quoscunque Judices Ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscunque.

§. 4. Volumus autem, ut præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides ubique locorum, tam in judicio, quam extra illud habeatur, quæ

haberetur ipsi præsentibus si forent exhibitæ, vel ostensæ.

Datum Romæ apud S. Petrum sub Annulo Piscatoris die XV. Februarii MDCLXXX. Pontificatus nostri Anno Quarto.

Confirmatur Decretum Congregationis Rituum de Cadaveribus eorum, qui sibi sepulturam elegerunt in Ecclesiis Fratrum Carmelitarum Disalceatorum Congregationis Italiæ.

INNOCENTIUS PAPA XI.

Ad futuram rei memoriam.

E Manavit nuper a Congregatione Venerabilium Fratrum nostrorum Sanctæ Romanæ Ecclesiæ Cardinalium Sacris Ritibus præpositorum, ad supplicationem dilecti filii Caroli Felicis a Sancta Teresia Procuratoris Generalis Congregationis Italiæ Fratrum Ordinis Beatæ Mariæ de Monte Carmelo Disalceatorum nuncupatorum, Decretum tenoris qui sequitur, videlicet. Sacra Rituum Congregatio ad preces Patr. Fr. Caroli Felicis a Sancta Teresia Procuratoris Generalis Carmelitarum Disalceatorum Congregationis Italiæ, porrectas per Eminentissimum & Reverendissimum D. Cardinalem Alterium, inhærendo Brevi fel. rec. Urbani Octavi sub dat. die 24. Julii 1641., & Decreto ejusdem Sacræ Congregationis emanato die quarta Martii 1673. ad favorem Fratrum Disalceatorum Ordinis Eremitarum Sancti Augustini gratiam benigne extendendo concessit, ut in posterum Corpora Defunctorum, qui in Ecclesiis Regularium Ordinis Carmelitarum Disalceatorum Congregationis Italiæ Sepulturam sibi elegerunt, non esse prius ad Ecclesiam Parochialem deferenda, sed Parochos teneri Cadavera suorum Parochianorum levare e loco ubi asservantur, & associare usque ad portam Ecclesiæ præfatorum Regularium, etiam ipsi Regularibus non associantibus, nec Parochos se ingerere posse in faciendo super iisdem Cadaveribus officium, in Ecclesiis præfatorum Regularium, sed ad ipsos Regulares in propria Ecclesia spectare, & pertinere. Et ita in omnibus, & singulis Conventibus præfatorum Regularium Carmelitarum Disalceatorum Congregationis Italiæ ubique existentibus servari mandavit, quibuscunque decretis ejusdem Sacræ Congregationis, & aliis in similibus editis in contrarium non obstantibus. Hac die vigesima septima Januarii 1680. Cæsar Cardinalis Fachenettus. Loco + Sigilli. Bernardinus Casalius Sac. Rit. Congregationis Secretarius.

§. 1. Cum autem sicut dictus Carolus Felix Procurator Generalis Nobis subinde exponi fecit ipse Decretum hujusmodi, quo firmius subsistat, & servetur exactius, Apostolicæ confirmationis nostræ patrocinio communiri summopere desideret: Nos ipsum Carolum Felicem Procuratorem Generalem specialis favore gratiæ prosequi volentes, & a quibuscunque excommunicationibus, suspensionibus, & interdictis, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum seriæ absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate præfata Congregationis Cardinalium.

§. 2. Decernentes easdem præsentibus literas

LXXVI.

Dat. 11. Mar.
1680. An. 4.

Precibus Procuratoris Generalis emanavit.

Decretum Congregationis, quo statutum fuit, prædictorum cadavera deferenda esse a Parochis ad Ecclesiam Religiosorum, ad quos dumtaxat spectat reliqua peragere.

Preces Procuratoris Generalis.

Confirmatio relati Decreti.

Clausula.

semper firmas, validas, & efficaces existere, & fore, suosque plenarios, & integros effectus fortiri, & obrinere ac illis ad quos spectat, & pro tempore spectabit plenissime suffragari, & ab eis respective inviolabiliter observari, sicque in præmissis per quoscumque Judices Ordinarios, & delegatos, etiam causarum Palatii Apostolici Auditores, judicari, & definiiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

§. 4. Volumus autem, ut præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, tam in Judicio, quam extra illud ubicumque locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die XI. Martii MDCLXXX. Pontificatus nostri Anno Quarto.

LXXVII.

Conceduntur privilegia Cappellanis communibus Sanctitatis suæ.

Huic similes sunt Constitutiones Clem. X. die 6. Octobris anno 1670. ut supr. Tom. VI. pag. 325. & Alexandri VIII. die 2. Augusti anni 1690., inf. in Tom. XII. sive Continuat. Part. VI. pag. 22.

Dat. 13. Mar.
1680. An. 4.

INNOCENTIUS PAPA XI.

Ad futuram rei memoriam.

Nomina
Cappellano-
rum.

GRata familiaritatis obsequia, quæ dilecti filii Joachinus Tenacoli Presbyter Civitatis Castellæ, Canonicus Collegiæ Ecclesiæ Sancti Nicolai in Carcere Tulliano de Urbe, ac Carolus Emidius Ridolphus Asculanus, Joannes Pasqua Anagninus, Hieronymus Ferrarius, & Hercules Tornielus Novariensis respective Civitatum, vel Diocesum, ac Joannes Dominicus Cozzardus Romanus, Presbyteri moderni Cappellani nostræ Pontificiæ Cappellani, familiares nostri, Nobis, & Apostolicæ Sedi hæcenus impenderunt, & adhuc sollicitis studiis impendere non desistunt, nec non vitæ, ac morum honestas, aliæque laudabilia probitatis, & virtutum merita, quibus eorum personas, tam familiari experientia, quam etiam fide dignorum testimoniis juvari percepimus, Nos inducunt, ut illis reddamur ad gratiam liberales.

Hinc est, quæ sequuntur vide in laudatis Constitutionibus.

Datum Romæ apud S. Petr. sub Annulo Piscatoris die XIII. Martii MDCLXXX. Pontificatus nostri Anno Quarto.

LXXVIII.

Confirmantur Statuta Congregationis Gallicanæ Canonicorum Regularium Sancti Augustini de acceptione Beneficiorum in titulum, & ab ipsa amotione.

Dat. 16. Maji
1680. An. 4.

INNOCENTIUS PAPA XI.

Ad futuram rei memoriam.

Exordium.

Pastoralis Officii, quod auctore Deo gerimus, cura animum nostrum sollicitat, ut conservanda, atque solidanda inter veros Religiosos vota sua Altissimo in sanctitate, & Justitia reddere satagentes, regulari disciplinæ peculiari studio incumbamus, ac proinde ea, quæ ab illorum Superioribus consimili statuta esse dicuntur consilio, ut firma, atque illibata persistant, Apo-

stolici muniminis præsidio libenter corroboramus.

§. 1. Exponi siquidem Nobis nuper fecit dilectus filius Joannes Gauhior Procurator Generalis Congregationis Gallicanæ Canonicorum Regularium Ordinis Sancti Augustini, quod cum Parochiales Ecclesiæ, aliæque beneficia Regularia Ordinis, & Congregationis hujusmodi magno numero in Gallia reperiantur, quæ per Canonicos Regulares ipsius Congregationis in titulum obtineri solent, quia tamen ad tuendam regularem observantiam, promovendamque Christiani delium spirituales utilitatem, atque ædificationem magnopere expedit ejusmodi beneficiis per personas idoneas, ac doctrina, & vitæ, morumque probitate conspicuas deserviri, nec ullam aliquibus dictæ Congregationis Canonicis Regularibus, qui disciplinæ regularis, debitæque erga suos Superiores observantiæ forsitan pertæsi sint, relinqui occasionem per favores, aliasque vias minus canonicas procurandi, ut ad dicta beneficia promoveantur, illaque retineant, tametsi qualitatibus ad id requisitis præditi non sint, eisque eorundem Superiorum voluntas hac in re adversetur. Ideo per Constitutiones Congregationis prædictæ, ac pluries per Decreta Capitulorum generalium ipsius Congregationis communi consensu statutum fuit, ut nullus Canonicus Regularis ejusdem Congregationis debeat, nec possit obtinere, nec acceptare quodcumque Beneficium absque licentia, & obedientia sui Superioris Generalis, utque quilibet Canonici regulares Beneficiati, qui ab eodem Superiore Generali, etiam non dictis causis, revocati fuerint, obedire, & reverti debeant.

§. 2. Cum autem sicut eadem expositio subjungebat, statuta hujusmodi Constitutionibus felicis memorie Clementis III., Cælestini III., & Benedicti XII. Sixti IV. Julii II., & Urbani VIII. Romanorum Pontificum prædecessorum nostrorum ad favorem Congregationis, & Ordinis prælatorum respective emanatis, aliisque literis Apostolicis pro Ordine præmonstratensium editis, necnon Concilii Tridentini Decretis conformia, ac ad conservandum in præfata Congregatione Gallicana regularis disciplinæ vigorem perutilia, immo necessaria existant: Nobis propterea præfatus Joannes Procurator Generalis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 3. Nos igitur ipsius Joannis Procuratoris Generalis votis hac in re, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de venerabilium fratrum nostrorum S. R. E. Cardinalium Concilii Tridentini Interpretum consilio statuta præfata, utpote rationalia, atque ad restaurandam, retinendamque Regularem disciplinam opportuna auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper intervenerint, supplemus: Illorum autem Canonicorum Regularium dictæ Congregationis Gallicanæ, qui statuta hujusmodi transgredi præsumperint, beneficia ipso facto vacare, ac de illis per Sedem Apostolicam, vel alios, ad quos id de jure spectet, libere disponi & providere posse, debere, & auctoritate, & tenore prædictis, decernimus, & declaramus.

§. 4. Decernentes pariter easdem præsentis literas semper firmas, validas, & efficaces existe-

Causæ Sta-
tutorum.

Statuta, ne
quis benefi-
cia acceptet
sine licentia
Superioris
Generalis,
neque huic
ab eis amo-
venti reluc-
tetur.

Congruen-
tia sunt Con-
stitutionibus
Apostolicis,
& Concilio
Trident.

Preces Pro-
curatoris Ge-
neralis.

Sub pœna
privationis
Beneficio-
rum.

Clausula.

re,

re, & fore suosque plenarios, & integros effectus fortiri, & obtinere, ac illis ad quos spectat, & pro tempore spectabit inviolabiliter observari: Sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, & quatenus opus sit dictæ Congregationis Gallicanæ, & Ordinis præfatorum, etiam juramento, confirmatione Apostolica, vel quavis firmitate alia roboratis statutis, & Consuetudinibus: privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorem effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut earumdem præsentium literarum transumptis seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud habeatur, quæ haberetur ipsi præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XV. Maji MDCLXXX. Pontificatus nostri Anno Quarto.

LXXIX.

Confirmatur iterum, & extenditur Card. Protectoris Decretum de nihil agendo contra statuta a Sede Apostolica pro Provincia Neapolitana S. Petri de Alcantara Discalceatorum, ipsa prius non audita, tum etiam adversus Decreta a dictæ Sedis Tribunalibus, & Ministris emanata.

De erectione hujus Provincia, & aliis ad eam spectantibus vide adnotata in Constit. 78. Clem. X., quæ incip. Sacrosancti Apostolatus. sup. pag. 119. Prædicti vero Decreti confirmationem reperies in Constit. 18. quæ incip. Exponi nobis. sup. Tom. VI. in Append. pag. 23. Tandem statuta ab Innoc. XI. habes in ejus Constit. 65. Alias fel. rec. sup. pag. 268.

INNOCENTIUS PAPA XI.

Ad futuram rei memoriam.

DUDUM fel. rec. Clemens PP. X. prædecessor noster quoddam Decretum a bon. mem. Francisco dum vixit Episcopo Ostien., & Velitero S. R. E. Cardinale Barberino nuncupato, Ordinis Fratrum Minorum S. Francisci de Observantia, nuncupatorum apud Sedem Apostolicam Protectore ad favorem Custodiæ S. Petri de Alcantara Fratrum Discalceatorum ejusdem Ordinis in Regno Neapolitano auctoritate Apostolica institutæ, quæ postmodum in provinciam pari auctoritate erecta fuit, emanatum specificè confirmavit, & approbavit per quasdam suas in simili forma Brevis die 8. Julii 1672. desuper expeditas literas tenore qui sequitur, videlicet: Clemens Papa X. Ad futuram rei memoriam. Exponi nobis nuper fecerunt &c.

§. 1. Cum autem sicut dilectus filius Joannes a Sancta Maria modernus Custos, & Exprovincialis dictæ Provinciæ S. Petri de Alcantara in Regno Neapolitano Nobis nuper exposuit fecit, multa alia subinde ab hac Sancta Sede per literas pariter in simili forma Brevis emanatas ejusque

Tribunalibus, & ministris per decreta, aliasque Scripturas ad favorem ejusdem Provinciæ pro recto illius gubernio, ac quiete, perfecta regularis disciplinæ observantia in ea stabilendis, & conservandis, constituta & ordinata fuerint, quæ per importunas quorundam religiosæ tranquillitatis dictæ Provinciæ insidiantium suggestiones convelli, aut perturbari possent, in maximum ejusdem Provinciæ, ac Regularis observantiæ, quæ in ea Domino Benedicente, viget, præjudicium, & detrimentum. Nobis propterea Joannes præfatus humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsius Joannis votis hac in re quantum cum Domino possumus favorabiliter annuere volentes, eumque a quibuscumque excommunicationis, suspensionis, & interdicti, aliisque Ecclesiasticis Sententiis, Censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequens. harum serie absolventes, & absolutum fore censentes, hujusmodi supplicationibus inclinati, ac præfatas Clementis prædecessoris literas cum omnibus, & singulis in eis contentis harum serie confirmantes, & approbantes, omnibus, & singulis modernis, & pro tempore existentibus tam majoribus, quam minoribus Superioribus, & Fratribus dicti Ordinis quocumque nomine nuncupatis, sub poenis supra expressis, auctoritate Apostolica tenore præsentium districte præcipimus, & mandamus, ne adversus prædictam Provinciam, aut in præjudicium, seu contra tenorem literarum Apostolicarum, ac ordinationum, & decretorum quorumcumque ad illius favorem ab eadem Sede, ejusque Tribunalibus, & Ministris hæcenus quomodolibet emanatorum quicquam, etiam minimum, sive in Romana Curia, sive extra eam, directe, vel indirecte per se ipsos, vel alios tam judicialiter, quam extrajudicialiter petere, attentare, vel facere audeant quovis modo, vel præsumant, nisi prius de omnibus, & singulis diligenter informato Venerabili Fratre nostro Alderano Episcopo Tusculano ejusdem S. R. E. Cardinale Cybo nuncupato moderno, & pro tempore existente Ordinis supradicti apud Nos, & Sedem præfatam Protectore, qui de illis certiore reddere debeat Ministrum Provinciale ejusdem Provinciæ pro tempore existentem, ad hoc ut defensionem ipsius Provinciæ consulere valeat: quod si quicquam secus agi, vel attentari, aut etiam obtineri contigerit, id totum nullum, & subreptitium, nulliusque roboris, & momenti existat, nec cuiquam suffragetur.

§. 3. Decernentes easdem præsentis literas firmas, validas, & efficaces pariter existere, & fore, suosque plenarios & integros effectus fortiri, & obtinere; ac Provinciæ præfatæ, ejusque Superioribus, & Fratribus quibuscumque in omnibus, & per omnia plenissime suffragari. Sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in Literis præfatis concessa sunt non obstat, cæterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in judicio, quam extra illud habeatur, quæ habe-

Altera confirmatio, & extensio præfati Decreti.

Clausula.

retur

Dat. 12. Junii
1680. Au. 4.

Prædictum
Decretum
primo confirmatum fuit a
Clem. X., ut
infra.

Confirmatio
Clem. X.

Preces Custodis & Exprovincialis dictæ Provinciæ.

retur ipsis presentibus, si forent exhibitæ, vel
ostensæ.

Datum Romæ apud S. Petrum sub Annulo
Piscatoris die 12. Junii 1680. Pontificatus Nostri
Anno Quarto.

LXXX.

Confirmatur Decretum Congregationis, quo de-
finitum fuit, solum Priorem Generalem Ere-
mitarum S. Augustini habere jus aggregandi
ad Archiconfraternitatem Cincturatum; Vi-
carios vero Generales Discalceatos erigere
posse Confraternitates Corrigiatorum.

*Aliud consimile Decretum d. Congreg. Episcop., &
Regular. confirmatum fuit Constit. 63. Alias ema-
navit. infra pag. 267.*

Dat. 5. Julii
1680. An. 4.

INNOCENTIUS PAPA XI.

Ad futuram rei memoriam.

Facultatem a
Greg. XIII.
Priori Gene-
rali conce-
sam sibi vin-
dicarunt Vi-
carii Genera-
les.

EXponi Nobis nuper fecit dilectus filius Do-
minicus Valvaforius Prior Generalis Ordinis
Fratrum Eremitarum S. Augustini, quod li-
cet dudum fel. rec. Gregorius Papa XIII. præ-
decessor noster literas Patentes unionum, & ag-
gregationum Confraternitatum, seu Societatum
Cincturatum, quæ de cætero fierent Confra-
ternitati S. Jacobi Civitatis nostræ, tunc suæ
Bononiæ, sub nomine Prioris Generalis dicti
Ordinis tantum expediri mandaverit: nihilomi-
nus nonnullis abhinc annis Vicarii Generales
Congregationum Italiæ, Galliarum, Hispania-
rum, & Lusitanæ Fratrum Discalceatorum Or-
dinis prædicti jus aggregandi hujusmodi Confra-
ternitates ad Archiconfraternitatem Cincturato-
rum in Ecclesia ejusdem S. Jacobi Bononiæ,
institutam, non obtenta super hoc a Priore Ge-
nerali ejusdem Ordinis facultate, sibi compete-
re prætenderunt: Ortaque, & diu ventilata su-
per præmissis lite, Congregatio Ven. Fratrum
S. R. E. Cardinalium negotiis, & consultationibus
Episcoporum, & Regularium præposita Decre-
tum desuper edidit tenoris, qui sequitur, vide-
licet -- In Causa Augustinianorum verten. inter
Patrem Generalem totius Ordinis S. Augustini
ex una, & Patres Vicarios Generales Discalcea-
torum Congregationum Italiæ, Galliarum, His-
paniarum, & Lusitanæ altera ex partibus -- Sacra
Congregatio Eminentiss. S. R. E. Cardinalium
negotii, & consultationibus Episcoporum, &
Regularium præposita Partibus auditis, refe-
rente Eino Crescentio, censuit non licere Dis-
calceatis Jus aggregandi ad Confraternitatem
Cincturatum Sanctæ Mariæ de Consolatione
positam in Ecclesia S. Jacobi Bononiæ: posse ta-
men erigere Confraternitates Corrigiatorum in
propriis eorum Ecclesiis tantum, servata tamen
forma Constitutionis sa. me. Clem. VIII., inci-
pien. *Quicumque &c.* emanat. sub die 7. De-
cembri 1604., & Decretum ejusdem Sacræ Con-
gregationis, ideoque erectionem factam in Ec-
clesia Discalceatorum in Civitate Ulyssiponis
esse nullam. Romæ 30. Septembris 1678. G. Car-
dinalis Carpineus.

Preces d.
Prioris Ge-
neralis.

§. 1. Cum autem sicut eadem expositio sub-
jungebat, præfatus Dominicus Prior Generalis
Decretum hujusmodi, quo firmitus subsistat, &
serveatur exactius, Apostolicæ nostræ confirma-
tionis patrocinio committi, ac alias opportune
in præmissis a nobis provideri, & ut infra indul-
geri plurimum desideret; Nos ipsius Domini
Prioris Generalis votis hac in re quantum cum
Domino possumus favorabiliter annuere volen-
tes, eumque a quibuscumque excommunicationis,
suspensionis, & interdicti, aliisque Ecclesiasticis
sententiis, censuris, & poenis, a jure, vel ab ho-

mine quavis occasione, vel causa latis, si qui-
bus quomodolibet innodatus existit, ad effec-
tum præsentium dumtaxat consequendum harum
serie absolventes, & absolutum fore censentes:
supplicationibus ejus nomine nobis super hoc
humiliter porrectis inclinati, Decretum præin-
sertum auctoritate Apostolica tenore præsentium
confirmamus, & approbamus, illique inviolabi-
lis, & Apostolicæ firmitatis robur adjicimus:
salva tamen semper in præmissis auctoritate ejus-
dem Congregationis Cardinalium. Præterea ne
pia Christianissimum devotio in acquisitione In-
dulgentiarum decipiatur, memoratis Vicariis
Generalibus harum serie injungimus, ut Confra-
ternitatum Cincturatum hujusmodi jam ere-
ctarum, & per eos, seu eorum Antecessores
supradictæ Archiconfraternitati sine sufficienti fa-
cultate aggregatarum aggregationem a præfato
Dominico, seu pro tempore existente Priore
Generali Ordinis prædicti quantocius fieri po-
terit, petant, ac tam præfatas Gregorii præde-
cessoris literas, quam præinsertum dictæ Con-
gregationis Decretum perpetuis futuris tempori-
bus inviolabiliter observent, sub poenis nostro,
seu pro tempore existentis Romani Pontificis ar-
bitrio imponendis.

§. 2. Decementes easdem præsentibus literas
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, ac illis ad quos spectat, & pro
tempore spectabit, plenissime suffragari; Sicque
in præmissis per quoscumque Judices Ordina-
rios, & delegatos, etiam Causarum Palatii Apo-
stolici Auditores, judicari, & definiri debere; ac
irritum, & inane si secus super his a quoquam
quavis auctoritate scienter, vel ignoranter con-
tingerit attentari.

§. 3. Non obstantibus Constitutionibus, &
ordinationibus Apostolicis, ac quatenus opus
sit Ordinis, & Congregationum hujusmodi,
etiam Juramento, confirmatione Apostolica,
vel quavis firmitate alia roboratis statutis, &
consuetudinibus, Privilegiis quoque Indultis, &
litteris Apostolicis in contrarium præmissorum
quomodolibet concessis, confirmatis, & innova-
tis. Quibus omnibus, & singulis, illorum te-
nores præsentibus pro plene, & sufficienter ex-
pressis, ac inferis habentes, illis alias in suo ro-
bore permanens ad præmissorum effectum hac
vice dumtaxat specialiter, & expresse derogamus,
cæterisque contrariis quibuscumque.

§. 4. Volumus autem, ut præsentium lite-
rarum transumptis, seu exemplis, etiam im-
pressis, manu alicujus Notarii publici subscri-
ptis, & sigillo personæ in Ecclesiastica dignitate
constitutæ munitis, eadem prorsus fides ubique
locorum tam in Judicio, quam extra illud ha-
beat, quæ haberetur ipsis præsentibus, si fo-
rent exhibitæ, vel ostensæ.

Datum Romæ apud S. Petrum sub Annulo
Piscatoris die 5. Junii 1680. Pontificatus nostri
Anno Quarto.

Confirmantur quædam Ordinationes Generalis
Ordinis Eremitarum S. Augustini circa Elec-
tiones Superiorum, & Officialium in Quinenti,
aliisque Indiarum Provinciis.

*Hac de re vide Constit. Exponi Nobis, & Con-
stit. In supremo Militantis.*

INNOCENTIUS PAPA XI.

Ad futuram rei memoriam.

EXponi nobis nuper fecit dilectus filius Pro-
curator Generalis Ordinis Fratrum Ere-
mitarum S. Augustini, quod ad tollendas omnes

Confirmatio
dicti De-
creti.

Vicarii Ge-
nerales pe-
tent a Priore
Generali ag-
gregationem
Confraterni-
tatum jam
erectarum,
& erigenda-
rum sub arbi-
trariis poe-
nis.

Clausulæ.

LXXXI.

Dat. 8. Aug.
1680. An. 4.

Causæ seque-
cium ordina-
tionum.

contro-

controversias, quæ in Quitenſi, aliſque Indiarum Provinciis dicti Ordinis circa electionum confirmationes a Præſidentibus, ſeu Confirmatoribus faciendas oriri poſſent, dilectus etiam filius Dominicus Valvaſorius Prior Generalis d. Ordinis nonnullas ordinationes fecit, per quasdam ſuas patentes Literas, tenoris, qui ſequitur, videlicet.

§. 1. Magiſter Frater Dominicus Valvaſorius Mediolanenſis totius Ordinis Eremitarum Sancti P. N. Auguſtini Prior Generalis -- Et ſi ad tollendam a Subdiſtis occaſionem inſurgendi contra Patrem Provinciale, ſeu Rectorem Provincie, & alios Superiores in Capitulis Provincialibus, vel alias in Quitenſi, & aliis Indiarum Provinciis reſpective electos, & confirmatos, eiſque debitam obedientiam ſub motivo nullitatis electionis denegandi per Conſtitutionem SSmi D. N. D. Innocentii Papæ XI. feliciter regnantis ſub die 24. Menſis Martii 1678. incipien. *Exponi Nobis &c.* ad noſtram Inſtantiam emanatam ſatis opportune inter alia perpetuo ſtatutum ſit, quod ſi in prædictis Quitenſi, & aliis Indiarum Provinciis Electiones P. Provincialis, & aliorum per ſcrutinium ſecretum a majori parte Electorum factæ, & a P. Præſidente confirmatæ fuerint, omnes, & ſinguli alii defectus, etiam ſubſtantiales Juris, & facti, ſi forte in prædictis Electionibus, & confirmationibus intervenerint ſuppleri intelligantur, & pro ſuppletis habeantur, interim & quouſque ſuper prædictarum Electionum validitate, vel nullitate ad prædictas Quitenſem, ſeu alias Indiarum Provincias reſpective noſtra, vel ſucceſſorum noſtrorum, determinatio perveniat, prout in prædicta Conſtitutione Innocentiana latius continetur, ad quam &c. Quia tamen Patribus Præſidentibus, ſeu Confirmatoribus poſt prælaudatæ Conſtitutionis emanationem, nondum præſcriptum eſt, quomodo, & qualiter auctoritatem confirmandi Electiones exercere debeant, ex quo in Partibus tam remotis faciliter contingi poteſt, ut prædicti Præſidentes, ſeu Confirmatores, ſive ex officio, ſive ad Inſtantiam Partis vel Partium, ſub variis motivis, cauſis, vel prætextibus in graviſſimum tranquillitatis, & pacis, immo & obſervantiæ Regularis, necnon tam Eligentium, & Electorum earundem Provinciarum, quam noſtræ auctoritatis præjudicium, confirmationem, vel confirmationes Electo, vel Electis denegare, vel retardare, & conſequenter ſalubrem effectum, & efficaciam antedictæ Conſtitutionis frustrare, vel impedire poſſint.

§. 2. Nos propterea eidem Conſtitutioni Innocentianæ inherentes, atque in hac parte huiusmodi Provinciarum Religioſæ tranquillitati, & paci conſulere, ac tot malis imminentibus de remedio opportuno providere volentes, tenore præſentium, noſtrique muneris auctoritate, necnon de conſilio Ad. RR. PP., qui Nobis aſſiſtunt, perpetuo declaramus, ſtatuiſmus, & ordinamus, quod ſi in prædictis Quitenſi, & aliis Indiarum Provinciis in perſonam, vel perſonas, quæ tempore electionis, ſeu Electionum in quaſi poſſeſſione ſaltem probabili vocis paſſivæ reſpective, ſive Electio, vel Electiones Patris Provincialis, ſeu Rectoris Provincie, Diffinitorum etiam additorum Viſitatorum, Priorum locaſium, Vicariorum, Priorum, Judicum Cauſarum, & Scrutatorum Diffinitorii, item ac Dilecti Capituli Generalis, necnon aliorum quorumcumque Officialium quocumque nomine nuncupatorum vocem activam in Capitulis Provincialibus habentium per ſcrutinium ſecretum, prout de jure faciendum a majori parte omnium Electorum in Capitulo Provinciali, aut in quocumque Diffinitorio, vel alias quomodolibet reſpective factæ fuerint, Patres Præſidentes Ca-

pituli, PP. Provinciales, & alii quicumque Superiores, in quibus auctoritas ordinaria, vel delegata confirmandi pro tempore quomodocumque reſideat, prædictos omnes, & ſingulos Electos ut ſupra, eorumque ſingulares Electiones ſine retardatione confirmare omnino teneantur, non obſtante quocumque defectu, etiam ſubſtantiali, vel quacumque proteſtatione, vel appellacione, ſive ante, ſive poſt huiusmodi Electionem, vel Electiones factæ, vel interpoſita, etiam de Jure. Quod ſi nihilominus huiusmodi confirmationem denegaverint, vel aliquo modo retardaverint, tunc huiusmodi Electus, vel Electi, eorumque ſingulares Electiones præſentium vigore toties quoties perpetuis futuris temporibus opus fuerit, confirmati reſpective ſint, ac pro confirmatis habeantur, eodem proſus modo, ac ſi a prædictis Patribus auctoritatem confirmandi habentibus, confirmati fuiſſent, quatenus ſine obice ſuam reſpective auctoritatem, Officia, & dignitates libere, & licite exercere poſſint, & valeant in eo interim quod ad præſcriptum prælaudatæ Conſtitutionis Innocentianæ ſuper prædictarum Electionum validitate, vel nullitate ad prædictas Quitenſem, & alias Indiarum Provincias noſtra, vel ſucceſſorum noſtrorum determinatio reſpective perveniat, legitimeque intimata fuerit. Declarantes præterea, prout tenore præſentium declaramus privative quoad aliam quancumque auctoritatem, ſeu Jurisdictionem prædictarum reſpective Provinciarum, etiam P. Præſidentis, & Judicum Cauſarum, atque cujuſcumque Diffinitoris, etiam Capituli Provincialis, ad nos, & ſucceſſores noſtros pro tempore exiſtentes tam Congregationem, quam determinationem ſuper nullitate cujuſcumque Electionis, ut ſupra factæ, etiam ipſo Jure contra tam ante, quam poſt confirmationem deducta, vel quomodocumque cognita dumtaxat pertinere.

§. 3. Præcipimus omnibus, & ſingulis RR. PP., ac Venerabilibus Fratribus cujuſcumque quali-tatis, conditionis, & dignitatis, etiam Provincialatus, & Præſidentis Capituli in prædictis Quitenſi, & aliis Indiarum Provinciis nunc, & pro tempore exiſtentibus in meritum ſalutaris obedientie ſub privationis vocis activæ, & paſſivæ per decennium, ac excommunicationis majoris latæ ſententiæ, quam hac una pro trina Canonica monitione præmiſſa in his ſcriptis, licet inviti ſerimus, ipſo facto incurrendis poenis, ne ſub quovis motivo, cauſa, vel prætextu impedimento ſint, quominus præſentes literæ, quas ſemper firmas, validas, & efficaces exiſtere, & perpetuo fore decernimus, & declaramus ſuum integrum, ac plenarium in omnibus, & per omnia ſortiantur effectum, nec eas de obreptionis, vel ſubreptionis vitio, aut de alio quocumque defectu, etiam auctoritatis, vel intentionis noſtræ notare, ſeu impugnare audeant, vel attentent; ſed potius ſtatim ac huiusmodi literæ ad prædictas Quitenſem, & alias Indiarum Provincias reſpective pervenerint, ſub euſdem privationis, & excommunicationis poenis omni, & quacumque appellacione, & ſupplicatione remota, eas in quocumque Diffinitorio, etiam privato integre reſpective recipiant, in omnibus, & ſingulis caſibus emergentibus ad literam obſervent, ac executioni mandent: Sicque in præmiſſis per quocumque prædictarum Provinciarum, & Ordinis noſtri Judices, & Superiores ordinarios, & delegatos, necnon per quæcumque Tribunalia, & Definitoria judicari, & definiri debere; ac irritum, & inane ipſo facto, & abſque alia declaratione, decernentes, ſi ſecus ſuper his a quoquam quavis auctoritate, ſcienter, vel ignoranter fieri, vel attentari contigerit.

§. 4. Non obſtantibus quibuſcumque prædictarum Provinciarum Definitionibus, Actis, ſta-

Alias earum literarum vigore ex tanquam confirmatæ cenſentur.

Quarum cognitio ſeu determinatio privative ad Priorem Generalem pertineat.

Clauſula. Præcipitur præſentium obſervantia ſub certis poenis.

tutis,

Statutum fuerat a Pontifice, ut validæ cenſerentur electiones omnes confirmatæ a Præſidentibus donec innotefceret definitio Prioris Generalis.

At Præſidentibus præſcriptus non fuerat modus confirmandi electiones.

Ideo declaratur, debere Præſidentes immediate confirmare electiones, ſemel ac factæ fuerint a majori parte Electorum.

tutis, & consuetudinibus, etiam immemorabilibus, necnon nostris, vel prædecessorum nostrorum Declarationibus, Statutis, Decretis, & Ordinationibus in contrarium præmissorum quomodolibet approbatis, confirmatis, concessis, innovatis, & emanatis. Quæ omnia, & singula inquantum præsentibus literis adverfantur, seu contrariantur expresse revocamus, derogamus, & annullamus; ac revocata, annullata, derogata, & nulla nulliusque roboris, & momenti esse volumus, & declaramus, cæterisque contrariis quibuscumque &c. Datum Romæ in Conventu nostri Sancti Patris Augustini die ultima Mensis Junii 1680. -- F. Dominicus Valvasorius Mediolanensis Generalis licet indignus Ordinis Eremitarum S. P. Augustini -- Magister F. Carolus Maria Perusia Mediolanensis Secretarius Ordinis -- Loco + Sigilli -- Registrat. lib. 2.

Dat. 30. Junii 1680.

Preces Procuratoris Generalis.

Confirmatio præsentium ordinationum.

Clausula.

§. 5. Cum autem sicut eadem expositio subjungebat, ut literæ præinsertæ firmiter subsistant, & in Partibus adeo remotis executioni mandentur, ac servantur exactius, præfatus Procurator Generalis illas Apostolicæ confirmationis nostræ patrocinio committere summopere desideret: Nos ipsius Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinatis, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui memoratum Procuratorem Generalem audiverunt consilio, & attempta relatione dilecti filii nostri Palatii S. R. E. Presbyteri Cardinalis de Alteriis nuncupati, dilecti Ordinis apud Nos, & Sedem Apostolicam Protectoris eisdem Cardinalibus super præmissis facta, præinsertas patentes literas cum omnibus, & singulis in eis contentis, & expressis auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos Juris, & Facti defectus etiam substantiales, si qui desuper quomodolibet intervenerint, supplemus, salva tamen semper in præmissis auctoritate Congregationis memoratorum Cardinalium.

§. 6. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari, & ab eis respective inviolabiliter observari. Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 7. Non obstantibus præmissis, ac Constitutionibus, & Ordinationibus Apostolicis; necnon quatenus opus sit Ordinis, & Provinciarum hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dum-

taxat specialiter, & expresse derogamus, cæterisque contrariis quibuscumque.

§. 8. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum habeatur, quæ haberetur ipsis præsentibus si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die VIII. Augusti MDCLXXX. Pontificatus nostri Anno Quarto.

Conceditur Indulgentia Plenaria Perpetua semel in Mense Confraternitatibus Cordigerorum in Ecclesiis Conventualium S. Francisci erectis in die solitis Processionibus.

LXXXII.

INNOCENTIUS PAPA XI.

Ad perpetuam rei memoriam.

AD augendam Fidelium Religionem, & animarum salutem cælestibus Ecclesiæ Thesauris pia charitate intenti, ac supplicationibus dilecti filii Joannis Franchini Mutinen. Ordinis Fratrum Minorum S. Francisci Conventualium nuncupatorum Procuratoris Generalis nomine Nobis super hoc humiliter porrectis inclinatis, omnibus, & singulis Confratribus, & Confororibus Confraternitatum sub titulo, seu denominatione Funiculi ejusdem S. Francisci, sive Cordigerorum in Ecclesiis dicti Ordinis hæcenus erectarum, & in futurum erigendarum vere poenitentibus, & confessis, ac Sacra Communione refectis, qui, & quæ Processioni per easdem Confraternitates semel in Mense fieri solitæ devoto visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, qua vice præfatarum id egerint, plenariam omnium peccatorum suorum Indulgentiam, & remissionem misericorditer in Domino concedimus, in contrarium facientibus non obstantibus quibuscumque. Præsentibus perpetuis futuris temporibus valituris.

Precibus Procuratoris Generalis Conventualium conceditur prædicta Indulgentia Confratribus, & Confororibus.

Clausula.

§. 1. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXVI. Augusti MDCLXXX. Pontif. nostri Anno Quarto.

Conceditur Indulgentia Plenaria Perpetua visitantibus aliquam ex Ecclesiis Fratrum, vel Monialium Ordinis S. Francisci in Festivitatibus dicti Sancti, necnon Antonii de Padua, Bonaventuræ, Ludovici Episcopi, Bernardini, ac S. Claræ.

LXXXIII.

INNOCENTIUS PAPA XI.

Universis Christifidelibus præsentibus literis inspecturis. Salutem, & Apostolicam Benedictionem.

Dat. 26. Aug. 1680. An. 4.

CUM a primæva Institutione Regulæ Beati Francisci, tam ob illius, & Sanctorum Antonii de Padua, Ludovici Episcopi, & Confessoris, Bonaventuræ, & Bernardini, necnon Sanctæ Claræ, aliorumque ejusdem Ordinis se-

Causa Indulgentiæ.

quacum

Preces Pro-
curatoris Ge-
neralis Ordinis Minor.
Conventua-
lium.

Concessio
Indulgentie
prædictæ.

Clausula.

quacumque sanctitatem, & miraculorum multitudinem, quam etiam ob multorum ipsius Religionis Summorum Pontificum prædecessorum nostrorum merita, ingens ubique Christianifidelium multitudo singularem erga quemcunque dictorum Sanctorum gerat devotionis affectum, Nos, ut ipsorum Fidelium devotio huiusmodi non modo conservetur, sed in dies magis augeatur, animarumque salutis uberius consulatur, precibus etiam dilecti filii Joannis Franchini Mutinensis. Ordinis Fratrum Minorum Conventualium Procuratoris Generalis super hoc nobis humiliter porrectis inclinati, tam omnibus, & singulis dicti Ordinis Minorum Conventualium, Capuccinorum, & de Observantia nuncupatorum Fratrum, & Monialibus, quam ceteris utriusque sexus Christianifidelibus, qui vere poenitentes, & confessi, ac Sanctissima Communione refecti diebus festis Sanctorum Francisci, Antonii de Padua, Bonaventuræ, Ludovici Episcopi, & Confessoris, ac Bernardini prædictorum eorumdem Fratrum Minorum Conventualium, Capuccinorum, & de Observantia, necnon die Festivitatis S. Clare Monialium dicti Ordinis Monasteriorum ubilibet constitutorum Ecclesias tam erectas, quam erigendas, vel earum aliquam a primis vespers usque ad occasum solis eorumdem dierum singulis annis devoto visitaverint, & ibi pro Principum Christianorum concordia, hæresum extirpatione, ac Sanctæ Mariæ Ecclesiæ exaltatione pias ad Deum preces effuderint, quo die prædictorum id egerint plenariam omnium peccatorum suorum Indulgentiam, & remissionem misericorditer in Domino concedimus, & elargimur. Præsentibus perpetuis futuris temporibus valituris: non obstantibus Constitutionibus, & Ordinationibus Apostolicis, ceterisque contrariis quibuscumque. Ut autem præsentibus literæ ad ipsorum Christianifidelium notitiam facilius, citiusque perveniant, volumus, quod earum exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 26. Augusti 1680. Pontificatus nostri Anno Quarto.

LXXXIV.

Statuitur, ut tam Capitulum Generale, quam Dieta Intermedia Congregationis Cassinensis Ordinis S. Benedicti ante triennium non celebretur.

Hac de re vide Clem. X. Const. 14. editam anno 1670. die 22. Augusti, Pont. 1. sup. Tom. VI. pag. 314. Item Const. 88. Innoc. XI. editam anno 1680. die 22. Novembris Pont. 5. inf. pag. 354. necnon Const. 5. Inn. XII. editam anno 1691. die 28. Julii Pont. 1. sup. Tom. VII. pag. 139. in quarum prima celebrari debebat Capitulum post triennium, altera confirmata fuerunt statuta Cassinensium, & postrema immutatum fuit tempus Dietæ.

Dat. 9. Sept.
1680. An. 4.

INNOCENTIUS PAPA XI.

Ad perpetuam rei memoriam.

Ex Constitutionibus celebrabatur Generale Capitulum singulis annis, sed postea ex Decreto Generalis Capituli a Clem. X. confir-

CUM (sicut accepimus) Dudum felic. rec. Clemens Papa X. prædecessor noster quoddam decretum a Capitulo Generali Congregationis Cassinensis Ordinis S. Benedicti Mantuæ in Monasterio ejusdem S. Benedicti celebrato factum, ut ad evitandas expensas, ac itinerum incommoda Capitulum Generale ipsius congrega-

tionis, quod à Constitutionibus ejusdem Congregationis singulis annis celebrandum mandabatur in posterum altero quoque anno ad mentem rec. me. Alexandri Papæ VIII. prædecessoris pariter nostri cogi deberet Apostolica auctoritate inter alia, confirmaverit, & approbaverit, prout in ipsius Clementis prædecessoris literis desuper in simili forma Brevis die 22. Augusti 1670. expeditas, quarum tenorem præsentibus pro plene, & sufficienter expresso, & inferro haberi volumus, uberius continetur:

§. 1. Nos considerantes Congregationem prædictam, ejusque Monasteria, & personas, propter nimis frequentes Capitulorum Generalium, & Dietarum intermediarum celebrationes, expensis, & itinerum incommodis adhuc nimium gravari, ac proinde illorum utilitati, & commoditati peramplius, quantum cum Domino possumus, consulere cupientes, Motu proprio, ac ex certa scientia, & matura deliberatione nostris, deque Apostolicæ potestatis plenitudine, ut de cætero tam Capitulum Generale, quam Dieta intermedia præfata Congregationis Cassinensis. quolibet triennio a proximo futuro Capitulo Generali, quod Tertia Dominica post Pascha Resurrectionis Dominicæ anni proximo venturi 1681. celebrandum est, incipiendo, atque ita perpetuis futuris temporibus de triennio in triennium continuando, celebrentur: ita scilicet, ut Dieta huiusmodi octodecim Mensibus post celebrationem cujuscumque Capituli Generalis pro rebus, & negotiis, quibus interea consulendum fuerit, ante tamen festum Circumcisionis Domini immediate sequens, & non aliter haberi debeat. Visitatores vero, qui juxta Constitutiones prædictas eidem Dietæ interesse debebunt, in accessu ad ipsam Dietam, & in reditu ab illa visitationes Monasteriorum sibi respective assignatorum terminare, & absolvere teneantur tenore præsentium statuimus, & ordinamus.

§. 2. Decernentes easdem præsentibus literas, & in eis contenta quacumque, etiam ex eo, quod quilibet in præmissis interesse habentes, seu habere quomodolibet prætendentes, etiam specifica, & individua mentione, & expressione digni, illis non consenserint, nec ad ea vocati, citati, & auditi, neque causæ propter quas ipsæ præsentibus emanarint, sufficienter adductæ, verificatæ, & justificatæ fuerint, aut ex alia qualibet, etiam quantumvis juridica, pia, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno, & substantiali, individuumque expressionem requirente defectu, notari, impugnari, infringi, invalidari, retractari, in controversiam vocari, aut ad terminos juris reduci, seu adversus illas apertitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine similibus concessio, vel emanato quæpiam in iudicio, vel extra illud uti, seu se juvare ullo modo posse; sed ipsas præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quandocumque spectabit inviolabiliter, & inconcussè observari. Sicque, & non aliter per quoscumque Judices Ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, & Apostolicæ Sedis Nuncios, aliove quolibet quacumque præminencia & potestate fungentes, & functiones, sublatæ eis, & eorum cuilibet quavis aliter judicandi, & in-

Causa tertii
Statuti.

Statut. præ-
dictum, &
præfate des-
tinitur tempus
Capituli, &
Dietæ, cujus
occasione vi-
sitationes ab-
solvendæ
sunt.

Clausula.

interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon dictæ Congregationis, ejusque Monasteriorum, & aliis quibuscumque juramento, confirmatione Apostolica, vel quavis firmitate alia roboratis statutis, & consuetudinibus, Decretis, & usibus, etiam immemorabilibus, privilegiis quoque indultis, & literis Apostolicis eidem Congregationi, ejusque Monasteriis, Superioribus, & personis quibuscumque, sub quibuscumque verborum tenoribus, & formis, ac cum quibuscumque etiam derogatoriis derogatoriis, aliisque insolitis clausulis, & Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, ac pluries, ac quantiscumque vicibus confirmatis, approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, & individua, ac de verbo ad verbum non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum tenores, formas, causas, & occasiones, præsentibus pro plene, & sufficienter, ac exactissime servatis, insertis, expressis, & specificatis respective habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ac derogatum esse volumus, cæterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in judicio, quam extra illud habeatur, quæ haberetur ipsis præsentibus si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die IX. Septembris MDCLXXX. Pontificatus nostri Anno Quarto.

LXXXV.

Extenditur Decretum Prioris Generalis Ordinis Eremitarum Sancti Augustini de consanguineis, & affinibus Religiosis, ad Discalceatos Congregationis Hispaniæ, & Indiarum ejusdem Ordinis.

De hoc Decreto extat duplex confirmatio, una in Const. Clem. VIII. edita, altera vero in Const. Inn. X. ad an. 1647. d. 23. Febr. Pont. IV.

Dat. 14. Sept.
1680. An. 4.

INNOCENTIUS PAPA XI.

Ad perpetuam rei memoriam.

Decretum
hujusmodi
primo confir-
matum fuit a
Clem. VIII.
& postea ab
Innoc. X., ut
infra.

Dudum fel. rec. Innocentius PP. X. prædecessor noster quoddam Decretum a quon. Andrea Fivizano dum vixit Priore generali Ordinis Fratrum Eremitarum S. Augustini pro felici ejusdem Ordinis regimine inter alia editum auctoritate Apostolica confirmavit per suas in simili forma Brevis die 23. Februarii 1647. desuper expeditas literas, tenoris, qui sequitur videlicet. Innocentius PP. X. Ad perpetuam rei memoriam. Injuncti Nobis (reliqua legi possunt suo loco,

Preces Vica-
rii Generalis
ad Fratrum
Discalceato-

§. 1. Cum autem, sicut dilectus filius Joannes a Præsentatione Vicarius Generalis Fratrum Discalceatorum nuncupatorum Congregationis Hi-

spaniæ, & Indiarum dicti Ordinis Eremitarum Sancti Augustini Nobis nuper exponi fecit, eadem Congregatio ad observantiam Constitutionum Fratrum Discalceatorum Ordinis præfati non teneatur, ac proinde dubitari possit illam nec Decretum prædictum servare teneri. Ipse vero Joannes Vicarius Generalis pro felici, & prospero suæ Congregationis præfate regimine, & gubernio Decretum hujusmodi sublato quocumque usu, vel consuetudine, qui, vel quæ in contrarium allegari posset in eadem Congregatione observari plurimum desideret; Nobis propterea humiliter supplicari fecit, ut in præmissis opportune providere, & ut infra indulgere de benigntate Apostolica dignaremur.

§. 2. Nos igitur ejusdem Joannis Vicarii Generalis votis hac in re quantum cum Domino possumus favorabiliter annuere volentes, eumque a quibuscumque excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes hujusmodi supplicationibus inclinati Decretum præfatum a memorato Andrea Fivizano Procuratore Generali editum, & a præfato Innocentio prædecessore confirmatum, ut præfatur, in universa Congregatione prædicta Fratrum Discalceatorum Hispaniæ, & Indiarum, ac ab omnibus, & singulis ipsius Congregationis Superioribus, & Fratribus, ad quos spectat, & in futurum quandocumque spectabit, sublato quocumque usu, vel consuetudine, qui, vel quæ in contrarium quovis modo allegari valeret, de cætero inviolabiliter observari debere auctoritate Apostolica tenore præsentium statuimus, & ordinamus.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum, in omnibus, & per omnia plenissime suffragari. Sicque in præmissis per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon dictæ Congregationis, ejusque Provinciarum, & Conventuum quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, tam in judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ Apud Sanctam Mariam Majorem sub Annulo Piscatoris die XIV. Septembris MDCLXXX. Pontif. nostri Anno Quarto.

Extensio De-
creti ad præ-
fatum Con-
gregationem.

Clausula.

Confir-

LXXXVI.

Confirmatur Decretum Card. Protectoris, quo declaratum fuit, non licere superioribus Ord. B. M. de Mercede delegare auctoritatem conferendi habitum Tertiariarum utriusque sexus; posse tamen eos horum curam probo Religioso committere.

INNOCENTIUS PAPA XI.

Ad futuram rei memoriam.

Nuper pro parte dilecti filii Josephi Linas Fratris expresse professi, & Procuratoris Generalis Ordinis B. M. de Mercede Redemptionis Captivorum, in Sacra Theologia Magistri Congregationi venerabilium fratrum nostrorum S. R. E. Cardinalium negotiis, & consultationibus Episcoporum, & Regularium præpositæ, exposito, quod cum in dicto Ordine essent quamplurimi Tertiarii, & Tertiariæ, seu Pizochæ sub Tertiariarum Regula, ex habitu ejusdem Ordinis pie, & laudabiliter viventes, dubitatum aliquando fuerat, an pertineret privative ad Superiores ipsius Ordinis prædictis Tertiariis habitum conferre, an verò possent delegare aliquem virum Religiosum, probateque virtutis, ut illis habitum hujusmodi conferret, curamque eorum haberet precipue circa Regulæ observantiam; ideoque pro ipsius Josephi parte præfata Cardinalium Congregationi supplicato, ut pro majori securitate dubitationem hujusmodi resolvere dignaretur: eadem Congregatio Cardinalium per suum Decretum die 11. Augusti proxime præteriti emanatum supplicem Libellum sibi super præmissis portectum remisit dilecto filio Nostro ejusdem S. R. E. Presbytero Cardinali Orthobono nuncupato d. Ordinis apud Nos, & Sedem Apostolicam Protectori, ut veris existentibus narratis circa ejusdem Josephi Procuratoris Generalis preces id statueret, quod pro suo arbitrio, & conscientia in Domino expedire censuisset. Porro idem Petrus Cardinalis, & Protector in vim facultatis sibi per Decretum hujusmodi attributæ, super præmissis Decretum edidit tenoris, qui sequitur videlicet. Vigore retroscriptæ facultatis Sac. Congregationis S. R. E. Cardinalium Negotiis, & consultationibus Episcoporum, & Regularium præpositæ, recognito supplici libello a Procuratore Generali exhibito, & re mature considerata declarandum, & statuendum duximus: Non licere superioribus localibus Religionis, delegare auctoritatem conferendi habitum Tertiariarum prædictis utriusque sexus Tertiariis, sed ad illos hoc privative spectare: posse tamen semel indutus in illorum curam circa observantiam Regulæ Virum Religiosum ejusdem Religionis probateque virtutis destinare, prout præsentis Decreti auctoritate qua supra decernimus, statuimus, & declaramus. In quorum fidem &c. Datum ex ædibus nostris hac die 14. Septembris 1680. Cardinalis Orthobonus totius Ordinis B. Mariæ de Mercede Protector.

S. 1. Cum autem, sicut dictus Josephus Prior Generalis Nobis subinde exponi fecit ipse Decretum hujusmodi, quo firmius subsistat, & servetur exactius Apostolicæ confirmationis Nostræ patrocinio communiri summopere desideret: Nos ipsum Josephum Procuratorem Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes supplicationibus ejus nomine Nobis super hoc humiliter

portectis inclinati, Decretum præinsertum a memorato Petro Cardinale, & Protectore editum, ut præfertur, auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet interverint, supplemus.

S. 2. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari. Sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate, scienter, vel ignoranter contigerit attentari.

S. 3. Non obstantibus præmissis, ac Constitutionibus, & Ordinationibus Apostolicis, nec non quatenus opus sit Ordinis prædicti, etiam Jumento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque Indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanentis, ad præmissorum effectum hac vice dumtaxat specialiter, & expresse derogamus, cæterisque contrariis quibuscunque.

S. 4. Volumus autem, ut præsentium literarum transumptis, seu exemplis, etiam impressis manu alicujus Notarii publici subscriptis, & Sigillo Personæ in Ecclesiastica dignitate constitutæ munitis eadem prorsus fides ubique locorum tam in Judicio, quam extra habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub annulo Piscatoris die XXX. Septemb. MDCLXXX. Pontificatus Nostri Anno Quarto.

Confirmantur quædam Decreta Capitulorum Fratrum S. Francisci Strictioris Observantiæ Provinciæ S. Petri de Alcantara in Hispaniæ a S. Congregatione approbata, nec non aliud Card. Protectoris pro eorum Decretorum executione.

INNOCENTIUS PAPA XI.

Ad futuram rei memoriam.

Nuper pro parte dilecti filii Ferdinandi de Villadiego, & Peralta Fratris expresse professi, & in Romana Curia Procuratoris Provinciæ S. Petri de Alcantara in Hispania Fratrum Minorum Ordinis S. Francisci Strictioris Observantiæ, sive Discalceatorum nuncupatorum nomine dictæ Provinciæ Congregationi Ven. Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod in quodam libro Actorum, & Decretorum Capitulorum Provincialium, Congregationum intermediarum, & coadunationum particularium Diffinitorii præfate Provinciæ aderat Decretum Capituli Provincialis in Conventu Granatæ S. Antonii Patavini die 20. Octobris 1663. celebrati folio 17. appositum, tenoris, qui sequitur videlicet. Item totum Capitulum Provinciale decrevit, quod rescripta, seu Instrumenta autentica capitulationum, pactorum, seu concordiarum

Confirmatio
relati Decre-
ti.

Clausulæ.

LXXXVII.

Dat. 25. Oct.
1680. An. 5.

Species facti.

Decretum
Capituli Pro-
vincialis, de
exhibitione